

MIBUZYO A BWIINGUZI

 Elyo Ndili kkomene kuba kokuno alubo sunumasiku mu mulimo wa Mwami wesi. Elyo lino, kumubona nyoonse kukkomana a kwiimba nyimbo ezi zibotu zyakaindi, zyonse zizwide muuya azimwi zimbi, kutubamba kulimvwa kabotu loko.

² Elyo tuli kkomene kusola kubweza ziindi zisyoonto zya ciindi alubo sunumasiku kwingula mubuzyo na yobilo. Tu baanga twatola ciindi canu cinji cifumo cino, pele Nda syoma mu jisi cilongezyo Nce kanana buyo kujatikizya ncico. Nku... Nywebo mulizi, tu jisi kunji kwa kwaambaula, embo na? Elyo tuli jisi Muntu wa kwaambaula, oyo Mwami wesi Jesu.

³ Mukwesu Teddy, ikuti na inga Nda... ikuti na ula konzya, kokkalikila buyo atala awa kwa kaindi kaniini. Nda kaambilwa kuti kwakali mwana muniini wakacisidwe mu buyake.

⁴ Elyo Nke tana talika ali ceeci, tu jisi Mulalilo (aboobo tu yanda... muta yandi kutola ciindi cinji loko) alimwi antela lubbizyo. Elyo ba... Ndi yanda ku—ku kombela abo bayanda ku kombelwa lutaanzi, kuti eci, kukombela balwazi kusaanguna, Nke tana talika.

⁵ Elyo lino, ikuti... Teddy, ikuti na uyo cita, kolizya lwiimbo olu, *I Musilisi Mupati Lino Uli Munsi*. Elyo tuyu tumina balwazi a kubalombela zilongezyo okuno. Mbangaye bali kokuno beeleder ku kombelwa sunumasiku? Kwali bamwi twa impya cifumo cino. Ikuti na mwatambika maanza abo, ikuti na mwa... [Kabeela katakwe cintu aa teepu—Mul.]... a kumvwa bumboni obo, a kulumbaizya Leza nkambo ka bubotu Bwakwe boonse. Alumbwe Leza kuzwa kuli nguwe zilongezyo zyoonse nko zikunka. Sa mbo mbubo?

⁶ Lino, tuyu talika cakufwambaana aa bumboni obu lino, elyo tuyu sola, na, amu ndijatile, aa mibuzyo. Elyo Nda syoma kuti Leza uyo tila zilongezyo Zyakwe mu—mu ciyanza eci.

⁷ Elyo lino, muta ndilekeli kuunka kwa ciindi cilamfu ali mbabo. Mukwesu Cox, Ndiyo josya kuswiilila kwanu, nywebo a bamadaikona bakkede ku munkali wa kumbele, ku ndilesya ciindi Nda... eelyo casika ciindi ca kutupa Mulalilo (nywebo mwabona?), nkaambo Nda babamba kwa ciindi cilamfu. Njo sola kuunka cakufwambaana mbuli Mbwe konzya. Elyo mpawo, ikuti na Nse bamanizyi Munsono eyi, Ndiyo ibweza Munsono mutobelwa; peepe, Ndiyo sola kumanizya sunumasiku.

⁸ Yalo mibuzyo mibotu boobu. Elyo Nda mwaambila, beenzuma, ikuti na tee lwakali lubukulusyo a zintu kazizumanana, Ndi yanda kukkanla kutandila mvwiki buyo

kuyiisya kwa Bbaibbele kutonkomene kwa i... kwa Matalikilo, a Kulonga, a Ciyubunuzyo, azimwi zimbi, alimwi—alimwi kuba buyo a ii—ii ciindi cibotu loko. Nda botelwa mibuzyo iisakene ya Bbaibbele a kuyiisya kwa Bbaibbele, kufumbwa kuti tamu leyi kuyaku cintucimwi cakuyeeyela buyo. Amukkale buyo cakuntonkoma mu buubauba, bwa Ijwi ly a leza lyakaindi lisalala; Liya kumu zwidilizya ncobeni. Sa tamusyomi obo?

⁹ Ee eco, cifumo cino, twa jisi mibuzyo imwi—imwi mibotu, imwi ijatikizya zyuulu zili mwaanda amakumi one abone, bakali bani, a cibeela mbo bayooba? Elyo—elyo kutandila Nabwiinga. Elyo oh, zintu zinji buyo, a mibuzyo ini isakene ncobeni. Elyo Nda kajisi misyoonto eyo Nje taka manizya.

¹⁰ Lino, sunumasiku tuyo talika mpoonya awa ali oyu umwi, a kulomba Mwami kutu gwasya. Elyo lino, ta tukonzyi kujuila Bbaibbele. Inga twa Li jula mbuli boobu, pele citola Leza ku Li jula kasimpe kuli ndiswe. Inga twa kwela mapeegi. Pele mu Bbuku lya Ciyubunuzyo, cindi Johane nakalanga, elyo wa kabona Umwi kakkede aa Cuuno cabwami, nkabela kwa kali... Wa kajisi Bbuku mu janza Lyakwe. Elyo kwakanyina muntu wakali kweelela ku bweza Bbuku, na kunamatula Zinamatizyo, na akwalo kuli langa. Taakwe muntu ku Julu, taakwe muntu mu nyika, na taakwe muntu kunsi lya nyika, na kuli koonse kwakali—kwakali kweelela. Elyo wa kabona Kabelele, mbuli Mbwa ka jaigwa kuzwa ku malengelo aa inyika. Elyo Ly kaboola a kubweza Bbuku kuzwa mu maanza Akwe a kujuila Zinamatizyo; Wa kali Jesu Kristo.

¹¹ Lino, Nda kali kwaambaula ku mwaalumi eyi mvwiki, simpindu uzizilwe kapati mu dolopo, oyo wakati kuli ndime kujatikizya kujokela mu Africa a India: wa kati, “Baa, ba kazwa kumanizya buyo kujaya silutwe mupati wabana British kutala okuya.”

Nda kati, “Ino eco cila cakucita nzi a ndime?”

Wa kati, “Yebo ujokela okuya oko bujayi boonse nkobuya, eyo myweenya ya mukowa, azimwi zimbi?”

Nda kati, “Masimpe, nko nkuko Nkwe yandikana, oko Mwami nkwa yanda kuti nduunke.”

Wa kati, “Ino kuti bakujaya?”

Nda kati, “Ee, ikuti na Leza uyanda kuti ndijayigwe, Ndiyo jaigwa buyo, kwa mana.”

Elyo wa kati, “Oh, ma!” Kati, “Mukwesu Branham, to elede kuyeeya ceeco. Ee,” kati, “Nse kwe ndaba. Ndi yeeya kuti uli mukombi, alimwi Ndi yeeya kuti uli muntu uli kabotu,” wa kati, “pele akwalo bakajaya Jesu Kristo.”

Nda kati, “Masimpe, lwakali luyando lwa Leza.”

Wa kati, “Inzi? Luyando lwa Leza?” Ndi... Elyo oyo mwaalumi wakali kuunka ku mbungano (uli munsi ku

makumi ali ciloba), kali kuunka ku mbungano (uli mu kalo kakuzumizigwa mu mbungano mbotu mu dolopo eli), alimwi waboola kutala, a kutaziba kuti lwakali luyando lwa Leza kuti Jesu wakafwa.

¹² Baa, Nda kati, "Mukwesu, Wa kajaigwa kuzwa ku malengelo aa inyika, kuzwa nkoonya ku matalikilo. Wa kajaigwa Ka tana kusika aa nyika." Sa mbo mbubo? Wa kali Kabelele ka Leza kakajaigwa kuzwa ku malengelo aa nyika.

¹³ Atu kanane kuli Nguwe asyoonto buyo ku mibuzyo. Lino, Taata, ta tweede, a kutakonzeka, tula mvwisya, kujula Bbuku na kuli langa. Pele amulekele Kabelele kaboose lino sunumasiku, Kabelele ka Leza kaka jaigwa kuzwa ku malengelo aa inyika, kubweza zintu ezyo zya Leza a kuzitondezya ku mbunga. Akube kuti Muuya Uusalala ubweze majwi aya, alimwi akube kuti atabi majwi angu na majwi aa muntu, pele akube kuti abe Majwi aa Leza ku myoyo yoonse iifwide nzala. Nkambo twa cilomba mu Zina lya Jesu. Ameni.

I mutaanzi awa (ta twii jisi kuzunguluka na kufumbwa cintu, pele nzila buyo mbo baboola), iboneka kuba kabotu loko. Lutaanzi, mbangaye bayandisya mibuzyo? Atu bone yanu... Ee, eco cili kabotu loko. Kufumbwa buyo kuti Nke zyi.

15. Lino. Sa bantu bafwa bainka ku Julu na—na ku gehena cakufwambaana, na sena bala lindila ku lubeta?

¹⁴ Oyo mubuzyo mubotu loko. Elyo ula cita... inga wapegwa kulanganisigwa kunji loko kweelede, nkaambo muntu onse ulabikkila maanu, ino uyooba buti kwamana buumi obu? Muntu ononse ula yandisya. Ee lino, Mebo, ku cibeela cangu, Inga—Inga nseziba. Nde elede kwiingula kuzwa ku Bbaibbele.

¹⁵ Ndi yeylela kuti mwanyakazi wakaba abbiilu yaku fooni iya madollar ali makumi osanwe ciindi cakainda kuzwa mu Los Angeles, kutandila maminiti ali makumi otatwe aosanwe na makumi one, na ndiza kwindilila, ku musinzo mulamfu, kusola kundi bamba kwaamba kuti cakali kuzumizigwa alimwi nkoonya kuli nguwe kusiya mulumi wakwe a kukwata mwaalumi umbi. Ne tako cicita. Peepe! Nda kati, "Peepe, munene!"

Waa kati, "Ee, mulumi wangu ngu sizibi, alimwi oyu mwaalumi Munakristo."

¹⁶ Nda kati, "Eco tacikwe cintu cakucita a ncico. Uyo oba mu mamambi mbuli masimpe cintu cili coonse."

Kati, "Ee, Ndime mulwazi wa kakweekwe, alimwi taakwe kuyandika kuli ndime kupona ikuti na Nse konzyi kuba a muntu oyu."

¹⁷ Nda kati, "Yebo uli jokede buyo a kutali mu luyando, nkaambo to konzyi kuba, kwamana, nkaambo oyo ngo mulumi wako. Elyo uli konkede kupona a nguwe kusikila lufu luka

kwaandaanya. Kufumbwa cintu cimbi kuzwa kuli ceeco, uli mu mamambi.” Elyo aboobo, waa kazumanana buyo kujatilila. Nda kati, “Mulindu, taku yandikani . . .”

Waa kati, “Ikuti na uyo ndaambila buyo kuti cili kabotu.”

Nda kati, “Inga nsecicita.” Nda kati, “Ndili . . .”

Waa kati, “Ee, Mukwesu Branham, tuli jisi kaanzambwene kapatii muli nduwe.”

¹⁸ Nda kati, “Mpawo amuswiilile kuli ceeco Nce sola ku mwaambila. Ndi mwaambila Bwini, nkambo Nse konzyi kwaamba cintu cita eco Leza nca kaamba.” Leza wakati obo mbwini, aboobo eyo nje nzila buyo mboibede. Mwabona? Nda kati, “Eyo nje nzila mbo—mbo yeelede kuba, nkabela eyo nje nzila mbo ceelede kuba.”

¹⁹ Elyo lino, mu mibuzyo eyi, eyo nje nzila mbo twii yanda kuba. Lino, lyoonse muyeeyo . . . Lino, omuno, mula mvwisya, mu bantu basyoonto aba sunumasiku, antela kuli misyobo yoonse ya mizeezo yandeene; elyo tu yeeya kuti yoonse mibotu, imwi aimwi yayo. Muzeezo wako mubotu, alimwi uli ii . . . Pele lino, eco nco tucita, tweede kuba a muntuumwi . . . Mboli buyo madada, madakisi, kufumbwa cintu, zintu zyoonse zii . . . inzuki, zintu zyoonse zijisi musololi. Ikuti na siduunta wazuki wafwa, nywebo muliz cicitika. Musololi wa madada afwa, ayelede kuli janina umbi. Kuti, beeledge buyo kuba a musololi.

²⁰ Elyo muntu weeledge kuba a musololi; alimwi Musololi Muuya Uusalala. Elyo Muuya Uusalala wakabikka mu Mbungano lutaanzi, baapostolo, kumane ceeco, basinsimi, azimwi zimbi.

Umwii wakati kutali ciindi cilamfu cakainda, wakati, “Baa, Mukwesu Branham, ta tuyandiki umwi kutu yiisya. Cindi Muuya Uusalala wasika, ta tuyandiki umwi kuyiisya.” Kati, “I Bbaibbele lyaamba kuti tamu—tamu yandiki kuyiisya.”

²¹ Nda kati, “Mpawo nkaambonzi Muuya Uusalala nguwenya nco waka kkala muli bamayi ba Mbungano, mwabona, mwabona, a kubikka Mbungano mu ncililano?” Ba kali kunga . . . Twe elede kuba a bamayi. Mbo mbubo.

²² Pele ta mweeledge kuba a muntu uuli oonse . . . Ta mweeledge kuyiisiga kwaamba kuti, “Muta kaciti mamambi; muta konkezyi, a kubweza . . .” Nywebo mulizi kale eco. Manjezeezya anu ngaonya aa Muuya Uusalala ala mwaambila kuti cili lubide kucita eco.

²³ Pele lino kuciimo ca lwiiyo lwa Lugwalo, citola munanike wa Muuya Uusalala. Mbo mbubo. Elyo Leza wakabikka Mbungano mu ncililano kwiinda ku baapostolo a basinsimi, a zipego zya kuponya, a maleele, azimwi zimbi. Wa kabikka Mbungano mu ncililano a kubikka bamayi a zimwi zimbi omuya ku kweenzya a kulailila Mbungano Yakwe. Elyo cifumo cino, swebo, mboli

mbo twaamba, Jesu atala lya nyika mbuli Mubili Wakwe... Elyo mbuli buyo mubili Wakwe mbo weenda, cili mbuli cimvule kutondezya ku nyika. Ciyo enda a ncico.

²⁴ Lino, bantu banji... I bantu ba Adventisti basyoma kuti cindi muntu afwa kuti ula njila moonya mu cuumbwe a kukkanala alya, buntu, mibili, a zintuzyonse zimbi, kusikila ku bubuke. Elyo yabo... Ba ita kuti "myuuya yoona." Ee, eco cili kabotu. Kuli kabotu kufumbwa kuti kaba syoma Jesu Kristo a kuzyalululwa, eco ta cika bacisi. Pele lino, kweendelana ku Magwalo, kuti cindi muntu afwa, ikuti na Munakristo, ikuti na wazyalululwa, kazwide Muuya Uusalala, ta kayandiki kwiima mu mbeta zya Leza. Mwabona? Ula unka cigaminina ku Busyu bwa Leza. Elyo ta kayandiki kuba mu lubeta, nkaambo wa kali kale... Mwabona?

²⁵ Ta ndeelede kwiiminina eco Kristo nca kandi citila. Lino, Nda kali sizibi, pele lubeta lwa Kristo... Nceeci—nceeci cintu cizwide mu majwi masyoonto: Leza wakati, "I buzuba mbo muyoolya kuli nguwo, buzuba obo moyo fwa." Eco caka cibamba.

²⁶ Lino, Leza weeleded kubamba Ijwi Lyakwe. Ta konzyi kucita cintu cimbi cita kubamba Ijwi Lyakwe, nkaambo Ngu Leza. Ee mpawo, Ta konzyi. Mpawo, Wa... Mwa kaandanisiga kuzwa kuli Leza. I... Elyo mpawo, mwaka zyalwa mu cibi, kabambwa mu milandu, kaboola ku inyika kuzo beja. Aboobo cindi wazyalwa, uli sizibi ku bulenge. Aboobo taakwe cintu mu inyika nco konzya kucita kujatikizya ncico. Taakwe cintu Nee konzya kucita kuli futula lwangu na yebo kuli futula lwako. Nceeco Kristo nca ka tucitila muli Leza, na, eco Leza nca ka tucitila muli Kristo. Mwabona? Ta cili, ee, naa Ndi yeeya *eci* na Nda cita *eci*, nkuti naa Wa kacita *eco*.

²⁷ Ee lino, tuli muli Nguwe. Mpawo Wa kaiminina mbeta zya Leza; Wa kabweza lubeta. Elyo Walo, mukuba uutakwe kampenda ku cibi, katazi cibi, nekubaboobo waka bambwa cibi nkambo ka ndiswe. Kufumbwa kuti koli muli Kristo, uli angulukide kuzwa ku lubeta. "Cindi Nda bona Bulowa, Njo mwiindilila." Mwabona, mwabona? Nce ncico. I Bulowa, obo bula twaangulula.

²⁸ Lino, sizibi ta... I sizibi weeleded kuyoima lubeta. Elyo takukabi pele lubeta olu. Cili buyo mbuli i—i kabalo na fulicoongo koonse ku nyika ya Bulowa bwa Kristo. Kufumbwa kuti koli mukati muno... Ikuti na Leza wakonzya kulanga aa nyika mu ciimo cayo sunumasiku kufumbwa nzila imbi kunze lya Bulowa bwa Kristo, Inga wa cinyonyoona mu kawwalu. Inga kayandika kucita. Ncamasimpe Inga kayandika kucita. Awo mpempawo mbeta mpozili mukuboola.

²⁹ Lino, ikuti, na, kufumbwa kuti muntu uli kunsi awa, takukwe makani na muntu mukolwi, a sinjuka, a sikutasyoma

uyoosya, luse lwa Leza luci mu lungila. Elyo mwanakazi, inga kali, kufumbwa obo mbwanga waba, sibwaamu na kufumbwa, Bulowa bwa Jesu Kristo buci mulungila. Pele kaindi nkoonya obo buntu bwakwe bwazwa mu mubili oyu elyo ulainka kwindilila eco, ula indlila luse kuya mu lubeta. Leza waka cibeteka kale. Eco cila cibamba. Waa kanyonyooka. Waa kabetecka... .

³⁰ Ula libeteka lwako kwiinda kunzila njo langanya mulungo wa Leza, okuya, nkambo ka zibi zyako. Mwabona? Amulibeteke nobeni. Tamu Mu beteki *buyo* kweelede ku mujatila. Mwabona? Ikuti na ueeyea kuti Uyo kujatila, kolyaambilila zibi zyako, nkabela Uyo kujatila.

³¹ Mpawo ku Muuya omwe (amubone) toonse tula bbizigwa mu Mubili omwe. Elyo mbuli mubili oyo wakabusigwa aa Leza, wakabuka kuzwa ku bafu, kululamikwa, kakkede ku janza Lyakwe lyalulyo mu nguzu a upati ku Julu, kutegwa abo bafwide muli Kristo, bali muli Kristo, a kwaanguluka ku lubeta, nkabela bayo buka mu bubuke.

³² Lino. Pele cindi twafwa lino—cindi twa fwa lino, tula unka cigaminina mu Busyu bwa Leza Singuzuzyonse mu mubili wakujulu. Ikuti na Nda swaana Mukwesu Neville kutala okuya, ikuti na toonse twafwa lino, mu oora kuzwida lino inga Nda muswaana; Inga ndaamba, “Injuzyo, Mukwesu Neville,” ambaula kuli nguwe. Nse kakonzya kusuka janza lyakwe; uli mu mubili wakujulu. Nda kali kukonzya kwaambaula kuli nguwe; wa kali kuboneka buyo mbuli mbwa kacita okuya. Nda kali kuboneka mbuli Mbwe cita. Pele inga twa ambaula kuli umwi aumwi, pele tii twa konzya kuguma umwi aumwi, nkaambo ta tujisi magano aali oonse osanwe aa kubona, kulabila, kwaampa, kununkizya, a kumvwa. Mwabona? Pele inga twaba bafwiki, alimwi inga twa bona umwi aumwi. Inga twapona mu zilao zilelekwa aa cipaililo ca Leza. Sena tamuzi kuti Johane wakabona myuuya kensi lya cipaililo kayoompolola, “Kulamfu buti, Mwami, kułamfu buti” kujokela ku nyika ku kusamikwa?

³³ Mpawo, cindi Jesu, uuli muli ndiswe lino mu ciimo ca Muuya Uusalala, cindi mubili Wakwe wakujulu, Muuya Uusalala, wabweeda a mubili wabulemu, tuyu pegwa bulemu a Nguwe a mu bukozyanye Bwakwe. Mwabona eco Nce pandulula? Mpawo Njo sukananjanza lyakwe a kwaamba, “Nceeci we, Mukwesu Neville.” Mpawo tuyu lya.

³⁴ Amulange. Jesu wakaambila basikwiya Bakwe, kulya Mulalilo wabo, Wa kati, “Nse kalyi limbi micelo ya musaansa kusikila Nda kailye a kwiinywa a ndinywe cabupya mu Bwami bwa Taata Wangu.” Sa mbo mbubo? Mwabona? Nceeco we. Aboobo, tu... Cindi bafwide bafwa... li mutu waka lulamikwa, kaimvwi mu Busyu bwa Leza, unka mu Busyu

Bwakwe mbuli cilenge citafwiki a kupona mu zyoolwe zya luumuno kusikila buzuba obo...kubweeda.

³⁵ Lino, kwakali ciindi bantu nibata kanjila mu Busyu bwa Leza cindi niba kafwa, bakalulamikwa. Eco cakali mu Cizuminano Cakale. Ba kanjila mu busena butegwa Paradaiso, elyo okuya myuuya ya bafu baka lindila buyo mu Paradaiso. Pele Paradaiso bwakali busena awo Leza mpa kali kabambilia buntu mbuli nyika ya ziloto, kusikila Bulowa bwa Jesu Kristo bwakatilwa; nkambo bulowa bwa bacende a mpongo tii bwakakonzya kugusya cibi, bwa kavumba biyo cibi. Pele Bulowa bwa Jesu bula gwisyia cibi.

³⁶ Mula bona kuti Yakwe...cindi Na kafwa aa Kalivari...Elyo mu kubweeda Kwakwe, Wa kabusa kuzwa ku zyumbwe abo basalali bakafwide abo bakafwa kunsi lya mulungo wa bulowa bwa bacende, a mpongo, a impwizi. Elyo baka njila mu munzi (oh!) a kubonekela ku banji. Ino cifwanikiso cibotu! Oh, ikuti na twa konzya kucipenta kwakaindi buyo kaniini. Amulange Jesu cindi Na kafwa.

³⁷ Awa, mbuli mbu Nda kaamba kanji, Nda syoma, mu mbungano awa, kuli i—i munkali awa mbuli, mukati omuno kupona zilenge zifwika. Elyo acimwi kuli mu kudobana oku kupati kwa kukondwa kupati, kwa kusiya a mudima. Bantu bafwika balapona omuno. Lino, ambweni bala ongelezegwa kuzwa nzila *eyi*, na kuzwa munzila *eyo*. To konzyi kuba okuno koli simuuya, sizibi na musalali, kakutakwe kuba akongelezya kuzwa ku nyika yaansi na kuzwa ku inyika yaatala. Ikuti na woongelezegwa kuzwa awa, uzwa kujulu. Mubili wako wakujulu ulindila atala awa. Pele ikuti na uli mubi, a cakuupaupa, a sikancimwa, mubili wako wakujulu uli kunsi awa, kakutakwe kulanganya obo kunji mbo yeeya kuti uli mujulu okuya; nkaambo mucelo oyo ngo zyala kumbele lya bantu ulatondezya oko nkozwa. Aboobo uli waano obo mbuli mbobede kubusena bumwi bumbi. Buumi bwako mbo pona okuno butondezya buyo lukono lwako mbo lubede cindi wa kuzwa awa. Sena mwamvwisya?

³⁸ Tuli mpoonya lino (oh, cindi Nda yeeya ceeco) lino tuli moonya mu kupegwaa bulemu mu busyu bwa Leza, basyomi bakazyalululwa. "Nkambo ikuti na eci cilao canyika camwaisigwa, tuli jisi comwe cilindila kale mu Bulemu," kutali kubusena bumbi, nkonya kutala kacilindila kale eno. Elyo eyi mibili yanyika ila tongela kuti isame oyu mubili utafwika. Sa mbo mbubo? Malwazi, a kusalulula, a macise, a kutyompwa, a kuciswa myoyo, a...Oh! Njo botelwa cindi ng'anda eyi ya zipenzyo yakaindi ya kujalwa, tamu kaciti? Iiyi, munene! Inga twa unka ku Muunzi. Mbo mbubo.

³⁹ Buyo, tula, tongela kuti tusame, Muuya ulatongela. Oh, cindi mwa langa a kubona macise oonse koonse kutandila, koonse

kudobana, kununka, a cibi, a ufwika uupona, a lweeno, a zintu zyoonse, Nda yeeya, “Oh, Leza, ino cila lampa buti?”

⁴⁰ Bumwi bwa mazuba aya Ndiyo kambauka nkambauko yangu yamamanino, njo bikka Bbaibbele mbuli boobu, a kuya ku Muunzi. Oh, ino ciyooba ciindi. Elyo cindi cilawo eci canyika canyonyooka awa, taka kabi kamvwalu komwe cakuti Ndi nooli muli ulya kutala; anywebo muyo cita. Oh, ma! Ta cigambyi ba kati:

Eci cikobela ca nyama Njo cilosya, a kubuka,
A kusaala cilumbo citeeli,
Elyo koongolola kuciindi cakwiinda mu luwo.

Masimpe, kuzumanana kuya kutala.

⁴¹ Lino, cili kuli eco? Ino tuba lili ancico? Lino! “Abo balo Mba kalulamika, Wa kabapa bulemu abalo.” Elyo sena mula mvwisyra kuti mibili yesu, taifwiki ulindila mu Busyu bwa Jesu Kristo ndyoonya lino, kulindila ndiswe kuboola?

⁴² Sena mulizi cindi muvwanda azyalwa mu nyika eyi, kataninga kuzyalwa kuti ujisi buumi. Pele taninga kuzyalwa. Elyo oyo muvwanda mbwa zyalilwa buyo kuli wakwe...ula talika...aa zyalwa...Mapunga oonse ali jolidwe, nkabela ala fwa. Yalo milambi ilabimba a kugwinya. Pele cintu citaanzu, buyo lubayi luniiini na obilo [Mukwesu Branham wakamba maanza akwe—Mul.] mbuli *boobo*, elyo uyo “*gwinya!*” kujata kuyoya kwakwe. Ino ndipenzi nzi? Kufumbwa buyo kuti mibili wakunyama uli mukupangwa muli banyina, kuli mibili wa kumuuya ulindila kuutambula oyo muvwanda mbwa zyalilwa buyo.

⁴³ Elyo masimpe buyo mbuli mibili oyu wa kumuuya mbo uli mukupangwa, kuli mibili wakunyama ulindila kuutambula kufumbwa buyo kuzwa mu inyika eyi. Mwabona? Bwaandeene, kujokela nkoonya ku Edeni alubo (mwabona?), kujokela buyo ncobeni.

⁴⁴ Lino omuya, Leza... Baa lufu, olo buyo—olo lugusya buyo lumoola loonse kuzwa ku lufu luliko. Elyo ta cigambyi Paulo wakakonzya kwiima a kwaamba, “Lufu, luli kuli lumoola lwako? Cuumbwe, kulaali kuzunda kwako?” Wa kati, “Kulumbwe kuli Leza oyo uutupa kuzunda kwiinda mu Mwami wesu Jesu Kristo.” Iiyi, munene. Eci cilao canyika camwaika tul iisi kale cimwi cilindila, aboobo amu cilube buyo kujatikizya ncico.

⁴⁵ Lino kuli nduwe, mweenzuma, ikuti na nduwe sizibi oyo wabuzya ceeci, Leza abe siluse kuli nduwe. Iiyi, munene! Toli kensi biyo lya kuzulwa lino, kutali waano, peepe! Uyo zwidilila a kuzumanana. Elyo nku koonse kwiinda mu luse lwa Leza. Nku koonse kwiinda mu luse lwa Leza kuti ula zwidilila a kucita eco nco cita. Obo mbwini. Pele bumwi bwa mazuba aya, ikuti na nduwe sizibi a buntu bwako bula sobelela, buya kwiinka kutala mu lubeta alimwi buya kupegwa mulandu. Elyo mpawo,

uyo tandwa, nkabela uyoba mu kupenzegwa kusikila buzuba obo waku josegwa ku nyika eyi. Elyo muyo tambula mubili uutafwiki, mubili uutafwiki oyo utakonzyi kufwa, alimwi uyo sowelwa mu mudima waanze oko kuyooba koomoka, kulila, a kuluma ntwino. Uya kusowelwa mu gehena, oko tuuka nko tutafwi na mulilo kuta zimwa, elyo muyo penzegwa kwiinda mu makkalo oonse kweelede kusika. Jesu wakaamba obo. Eco nciimo cisiya, pele nceeco Bbaibbele ncolya kaamba.

⁴⁶ Ikuti na Leza wakapa mulandu loko cibi alimwi caka tolela muulo uli boobo, ino ciyooba buti ikuti eyo myuuya italuleme niya kasola kwaangulula alubo? Inga twaba a cintu cimbi mbuli nco twa kajisi mu myaka yakainda yamananino ili cisambomwe. Sa mbo mbubo? Takukabi coolwe alubo.

⁴⁷ Lino yebo wati, “Ee, Nda syoma kuti cindi wainka ku cuumbwe yebo—yebo uya ku gehena.” Mubili wako ulaunka ku gehena, mbo mbubo. *Gehena yaamba “kupambukana.” Lufu caamba “kupambukana.”* Mubili wako ulafwa, ula pambula. Yebo uzwa ku bayandwa bako awa, pele eco tacili ncico nco twaambaula. “Caka salidwe ku muntu lomwe kufwa, mpawo kuzwa ceeco, lubeta.” Mwabona?

⁴⁸ Lino, cindi wa...ikuti na weeblede kuyoima ku lubeta lwa Leza, uyo betekwa kwiinda kuli Leza uunyemedé. Elyo Leza uyo...waamba kale eco Nca kali kuyo cita. Aboobo ulizi obo lubeta lwako mbo luyooba kumbele lyako akwalo kusika okuya. Aboobo cintu cakucita nku futulwa a kuba abulemu obu...

⁴⁹ Amulange. Ikuti na Nde elede ku...ikuti na muuya wangu...Amulange, ta tuli cintucimwi cifwide; tula pona. Ikuti—ikuti na angu...ikuti na eli desiki awa...ikuti na eli pulanga nilya lijisi buumi muli ndilyo ali munwe wangu, eelyo desiki, alimwi lya kajisi busongo bwa kulyeenzya, inga lyeenda mbuli munwe wangu mbo weenda. Ta tu pangidwe a musyobo oyo wa cintu. Tu pangidwe aa—aa—aa—aa maseelo, a buumi, akwa milambi; elyo kuli muuya awa uyendelezya yoonse. Elyo amulange buyo mbo ciliimya kweenda. Amulange awa; janza lyangu lyaguma ceeco. Lino, kutali buyo...Kweelede kuba cimvule a kuvviila kwini. Elyo munwe wangu mbuwa gumina buyo eco, ula mvwa eco. Oko cakufwambaana kuleenda ku mizeezo yangu, elyo mizeezo yangu yaamba kuti, “Oko kula tontola,” a kujokela. Mwabona obo cakufwambaana mbo cibede? Lila buumi kwiinda muzeezo, lila buumi kwiinda cintu cili coonse, mucito awo. Ino ncinzi? Kuli cintucimwi cipona omuya, alimwi ezyo nsinga zyakuyeeyela zibeleka mu mizeezo. Mwabona eco Nce pandulula? I nsinga zyakuyeeyela zya kaciguma, zila limvwa, a kwaamba ku mizeezo, “Kula tontola.” I muyeyeo waamba kuti kulatontola, nkaambo kwa kalimvwa ku nsinga. Oh, ma! Yebo waambaula zya kulipenta.

⁵⁰ Elyo mpawo, zyoonse ezyo...Obo cakufwambaana Leza

mbwazi miyeeyo yoonse eyo njo tuyeeya. Zintuzyonse nzo tucita, Uli cizi.

Aboobo cindi musyomi afwa, ula njila mu Busyu bwa Mubumbi wakwe, Leza wakwe. Elyo sizibi, cindi afwa, ulaunka magolelo akwe. Mpawo ku kubweeda... Lino, Ndi kanana lino zya Basale.

⁵¹ Pele kuli bamwi bayo boola mu bubuke bwabili, oyo uyo elela kwima mu Lubeta a sizibi, ku kubetekwa a nguwe. Ndi yanda kuba masimpe kujana ceeco. Mwabona?

⁵² Lino, ku yooba... I citaanzi ciyo citika ciyooba i—i kuboola kwa Nabwiinga. Ku yooba bantu mu nyika... Ndi... Inga waandeene a ceece, pele amuswiilile kabotu. Nkaambo buyo kakuti mwa kazumina Kristo mbuli Mufutuli wacigaminina, eco tacaambi kuti maya mu Kukwempwa. Oko nkwa Basale, abo bayo unka mu Kukwempwa. Kuyooba basyaalizi bayo syaala ano aa nyika abo bayo inda mu mapenzi a kupenzegwa kupati. I Mbungano iyo kwempwa mu Kukwempwa.

⁵³ Mbangaye banakazi awa batazi kuti cindi bayanda kutenda kabeela ka zintu ula ziyala zintu mbuli boobu, akubiika patani yanu mbuli boobu, alimwi mwatenda zintu kweendelena ku patani. Mbo mbubo na? Elyo zimwi zintu zili buyo musyobo omwe wa zintu zili mu bubambe. Sa mbo mbubo? Pele oyu ngo musyobo ngo mubweza. Inga mwa tantamuna eco kulaale kubelesya, pele i—i zintu ezyo nzomwa katenda kuzwa...

⁵⁴ Lino, nguni ubikka bubambe? Leza, ku kusala. Amen! Leza ku kusala ulabikka patani. Wa kati, "Lino, Nda kasala kuzwa ku malengelo aa inyika... Nda bikka ezi..." Baa, Jesu wakaambilia basikwiya kuti Wa kali a mbabo, elyo Wa kabasala, alimwi wakalizi kuzwa ku malengelo aa inyika kaitana sola kuyalwa. Mbo mbubo na? Aboobo Leza ulabikka bubambe. Lino, kuyooba Basale bayo unka mu Kukwempwa. Elyo kuyooba nkamu ya bantu babotu, baluleme, bapona cabusalali, bantu bakafutulwa a Leza, abo batakabi mu Kukwempwa; elyo bayo boola mu bubuke bwabili, nkaambo...

⁵⁵ Oh, Nda—Nda syoma tamunyemyi kuli ndime ikuti na Nda bamba buyo cintucimwi antangalala loko awa kuli ndinywe. Mwabona? Muta ciciti. Nde—Nde elede ku caamba, nkaambo Ndi... kuzumanana buyo kusika kuli ndime (nywebo mwabona?) ku caamba. Amulange. Lino amulange. Mpawo, Ndiyo amba ceece: Kuli bantu basyoma mu kululamikwa ku lusyomo (mwabona?), elyo bala pona buumi, busalala, busalala bubotu; bala syoma mu kusalazigwa abalo, balatambula...

⁵⁶ Amulange Judasi Iskarioti. Judasi Isikaoti waka lulamikwa cindi na kasyoma Mwami Jesu Kristo a ku Mu tambula mbuli Mufutuli wakwe wacigaminina, Judasi Isikarioti. Judasi Iskarioti waka salazigwa muli Johane 17:17 alimwi waka pegwa nguzu muli Matayo 10 kuzwa a kutanda madaimona. Elyo

Judasi Iskarioti waka jokela, nakamana kuponya balwazi a kutanda madaimona, alimwi wa kajoka kasekelela a koongolola mbubonya buyo mbuli mubumbulusi mubotu usalala ngo kasola kubona. Sa mbo mbubo? I Bbaibbele lyaamba boobo. Pele cindi na kasika ku Pentekoste, wa katondezya bube bwakwe bwini. Lino amulangilile oyo—oyo muuya.

⁵⁷ Kuli bantu mu inyika sunu, bantu babotu Banakristo abo bayo syoma mu kululamikwa, bunji bwabo, zyuulu, mamilioni abo basyoma mu kululamikwa. Pele taba kabi acintu cakucita a kusalazigwa. Inga twaamba kuti oyo muna Presbyteria, muna Episcopalia, abamwi bambi. Bala syoma mu kululamikwa; ku cikambauka. Elyo ncibotu; bali luleme.

⁵⁸ Pele lino, i—i ba Nazareni, Pilgrimu Holinessi, Methodisti ya Bulubusi yaka njila mu kusalazigwa. Bala syoma mu kusalazigwa. Cakululama! Bali luleme. Elyo bala jana luzundo, a koongolola, a kulumbaizya Mwami. Bali luleme; bali luleme. Pele kukanana kuli umwi wabo kujatikizya lubbizyo lwa Muuya Uusalala, a nguzu, a zitondezyo, a zigambyo, ziyo tondezya mubala wabo mpoonya awo. Kwaamba, “Nse yandi umwi wa ceeco. Nse syomi...” Ee, akwalo ku bantu bangu bayandwa ba Nazareni, basyoma kuti muntu ukanaana mu myaambo ngwa dyabulosi. Elyo, mukwesu, kocita obo, yebo... .

⁵⁹ Baa, baka bikka Dr. Reidhead uzwa ku Sudan Missions, mweendelezi wa ncico, nkaambo kakuti wa kaambaula mu myaambo. Kati, “Ta tukonzyi kuba a ncico.”

⁶⁰ Nda kati, “To konzyi kukambauka mbuli Paulo mpawo. To konzyi kutambula Makanimabotu aa Paulo, nkambo Paulo wakati, ‘Mutakasyi kwaambaula mu myaambo.’” Mbo mbubo. Pele ba—ba amba kuti nca dyabulosi. Ba kabona kulikozyanisa kunji, a ku cibweza koonse okuya. Mwabona? Pele kuli mbungano yaka lulamikwa a yakasalazigwa; pele kukaka kuti lubapatizyo lwa Muuya Uusalala mulimo wandeene kuzwa ku kusalazigwa. Pele walo—walo mulimo wandeene. Masimpe mboubede.

⁶¹ Kwakali zintu zyotatwe zyakazwa ku mubili wa Kristo. Elyo zintu nzyoonya zyakazwa ku mubili Wakwe nze tu belesya kunjila mu Mubili Wakwe. Kwakali maanzi (sa mbo mbubo?), Bulowa (sa mbo mbubo?), a Muuya. Elyo Jesu, Lugwalo lwa kati, “Kuli zyotatwe zipa bulunguluzi ku Julu, Taata, Mwana, a Muuya Uusalala. Ezi zyotatwe zili Comwe; zili Comwe. Pele kuli zyotatwe zipa bulunguluzi mu nyika; tazili comwe,” wa kati, “pele bala zuminana mbuli umwi: Maanzi, Bulowa, a Muuya.” Sa mbo mbubo?

⁶² Lino, to konzyi kuba a Taata kakutakwe kuba a Mwana. To konzyi kuba a Mwana kakutakwe kuba a Muuya Uusalala, kamp—...pele ula konzya kululamikwa kakutakwe kusalazigwa. Elyo inga wa lulamikwa a kusalazigwa elyo

nekubaboobo kota jisi lubbizyo lwa Muuya Uusalala. Mwabona? Obo mbwini. Olo Ndugwalo. “Ezi zyotatwe,” wa kati, “ezyo zipa bulunguluzi mu nyika, maanzi, Bulowa, a Muuya; nkabela zila zuminana muli comwe.” Mwabona? Tabali bomwe, pele bala zuminana muli comwe, nkaambo walo Muuya nguonya ujisi mweelo. Leza ula tupa Muuya mu kweeleka.

⁶³ Lino, Luther, kunsi ly a kululamikwa, nce ncico nca kakambauka. Sa mbo mbubo? Luther wakakambauka, “I baluleme bayo pona ku lusyomo.” Elyo wa kajisi mulumbe mupati. Elyo eco cakali cibeela ca Muuya Uusalala. Mpawo Luther, cindi mulumbe niwakayutuka, Leza wakali kuyo busya Mbungano Yakwe a Kwi tuma kaili mupati maningi (oh, ma!), Luther wakati, “Oh, tula syoma kuti twa Ci jana awa.”

⁶⁴ Pele John Wesley wakati, “Oh, peepe!” Walo a George Whitefield a bamwi, ba kati, “Tula syoma mu kusalazigwa, kuti, mbuli mukuba mulimo wini wabili iwa luzyalo.” Sa mbo mbubo? Elyo baka kambauka Bulowa. Ee, ikuti na Luther takali kuyanda kweenda, Leza wakaipa buyo kuli ba Wesleyani Methodisti. Mwabona? Elyo bakali ijisi. Elyo bakali jisi lubukulusyo lwa kafumpa inyika, a Mbungano ini.

⁶⁵ Ee, lino, ciindi eco casika antomwe . . . Lino, ambali kwasika cizibyo ca Muuya Uusalala ca zitondezyo, zigambyo, a maleele. Lino, Wesley tayandi kuzuminana a ceeći. Lino, ikuti na Wesley wakali aa nyika alimwi Martin Luther wakali aa nyika ku ziindi ezi, niba kazuminana a ncico, pele bali jisi mbali zitandila zyabilo zya mbali zyone na zyosanwe zya baapostole bakainda muli njiyo, alimwi bala cizuba lweendo lonse.

⁶⁶ Lino, Pentekoste yakatambula a kusyoma mu kwaambaula mu myaambo. Mpawo baka cikaka mu “citondezyo citaanzi,” kuti bantu boonse bakacita kwaambaula mu myaambo. Obo mbulubizi. Pele eno—eno bala jokela . . . Obo mbube bwa kapegwa a Leza. Mbuli buyo Mbwe takonzyi kugwasya, nkaambo Ndi jisi meso a bbulu, na . . . Leza apa buyo. Ezyo nzipego buyo mu Mbungano. Leza waka zibikka mukati. “Leza wakabikka mu Mbungano . . .” Mwabona?

⁶⁷ Lino. Pele cindi baboola antoomwe a ceeço . . . Lino, ba kajisi cilongezyo cipati, kaunka kulaale kwiindilila bana Lutherani na i—i Methodisti, naba umwi. Elyo lino, ba kabunganya munzila ili boobo kusikila bakaindila kubija kwiinda Methodisti na bamwi, ba Pentekoste. Elyo mpawo, ba kasika ku busena oko kwabili a kwatatu . . . Yakali myaka itandila ku makumi one kuzwa niya katalika kutambula kwaambaula mu myaambo. Pele musamu oyu wa Leza ujisi micelo yandeene ili fuka ali nguwo. Lino, kufumbwa micelo eyi njo mukonzya kuba awo. Mwabona? Leza waka batumina, pele koonse kuzwa ku cisamu.

Lino, kululamikwa, amu cilange.

⁶⁸ Amulange ciyo ca cifumo cino. Cindi Lubeta nilwaka bikkwa, nkabela mabbuku aka julwa... Lino, Jesu wakasika a zyuulu zili kkumi taimuzi zyuulu zili kkumi zya basalali, elyo mpawo Lubeta lwakabambwa. Mpaawa boonse bali ku Lubeta lwa Cuuno cabwami Cituba (mbuli mbo twa kainda mu Lugwalo a ndulo), elyo mabbuku aka julwa; alimwi Bbuku limbi lyaka julwa eelyo lyakali Bbuku lya Buumi. Elyo aba mu Kukwempwa bakali kubabeteka. Sa mbo mbubo? Balo bakaunka ku muunzi a kutambula mibili yabo yakapegwa bulemu, a kuponena mu Mileniamu, kali waano mu Lubeta lwa Cuuno cabwami Cituba, kababeteka abo. Wa kati Uyo andaanya mbelele kuzwa ku mpongo.

Lino, yebo wati awa, “Baa, lino langa.” Yebo wati, “Sa eco caboola... Mpaali, Mukwesu Branham?” Mu Lubeta lwa Cuuno cabwami Cituba.

⁶⁹ “Ino kujatikizya mu Kukwempwa?” Ee, mu ciindi ca Kukwempwa... Jesu waka yiisya eco mbuli cikozyano. Elyo Wa kaciyiisya nzila zinji zyandeene. Njeeyi nzila yomwe. Wa kati kwakali banakalindu bali kkumi bakainka kuyo swaana Mwami. Elyo aboobo-... Boonse babo bakali banakalindu, pele bamwi baka jisi Mafuta mu malampi abo a bamwi bakalekela Mafuta kuzwa. Sa mbo mbubo? Elyo cindi Nabwiinga... Lino, ino Mafuta akali nzi? I *Mafuta* wakali Muuya Uusalala; Bbaibbele lya kaamba booboo. Lino amulange. Ba kali banakalindu. Lino, ino ncinzi *nakalindu* nco caamba? “Uusalala, usumbula, wakapambulwa, wakasalazigwa.” Sa mbo mbubo?

⁷⁰ Ikuti ni Nda jisi nkomeki niini awa inga Nda mutondezya eco... Awa, kupa mukozyanyo mbuli bbodela eli awa, ikuti na lya kanyina cintu, elyo Nda kalibweza, alimwi cakali buyo tombe mbuli mbo cakali kukonzya kuba... Ndi yanda kulibelesya. Ee lino, cintu citaanzi Nce yanda kucita nku Lulamikwa. Nda libweza nkaambo Ndi yanda kulibelesya. Ila tombe; Nda kajana mu i—mu caanda ca nkuku, na kufumbwa mbo cakabede. Lino, ikuti na Ndili musyobo ululeme wa muntu, ee, Ta ndiyandi kubikka cintucimwi cisalala omuya Njo elela kubelesya. Nde—Nde elede kubamba cintu eco lutaanzi. Lino, cintu cibotu loko nku cikumba, ku cisalazya aku cisanzya. Mbo mbubo na? Lino, ino bbala *kusalazya* lyaamba nzi? “Kusalazigwa a kubikkwa ambali ku mulimo.” I zilongo zya tempele lyakale zyaka salazigwa a kubikkwa ambali ku mulimo.

⁷¹ Lino, njeeyo Mbungano: Leza waka babweza kwiinda mu bukkalo abana Lutherani, kululamikwa; Bukkalo bwa Wesley, Wa kaba salazya; alimwi mu bukkalo obu Ula bazuzya. Mwabona? Ula bikka Buumi muli mbabo. Elyo cindi eci, Buumi Bwakwe kwiinda mu Muuya Uusalala... I Muuya Uusalala waka basala; Muuya Uusalala waka basalazya; Muuya Uusalala waka bazuzya. Mwabona? Ni Mbungano yomwe yoonse.

Pele lino amulange. Lino mu buzuba buno . . .

⁷² Lino, Ndi yeeya kuti Luther, Wesley, a boonse babo, bunji bwabo bayo njila mu Kukwempwa. Ba kajisi cibela ca Muuya caka kambaukwa kuli mbabo; baka cisyoma.

⁷³ Lino, mu Kukwempwa . . . Kuli bantu sunu bakaunka mu tubungwe oto twa takali kuzumanana. Nku ii . . . Kwakali biyo kabungwe komwe, eyo ni Mbungano ya Leza; alimwi Ya kazumanana buyo kweenda mbubonya. Pele tubunga otu twa mwaika zintu ezi mbuli booboo. Elyo bantu banji sunu bayo langa ku lubbizyo lwa Muuya Uusalala a kwaamba kuti mbufuba. Pele nekubaboo baka lulamikwa; nekubaboo baka salazigwa. Pele ba lati, “Oh, oko nkuzumanana, zintu ezyo.”

⁷⁴ Ndi lizi dyabulosi uli jisi misyobo yoonse ya kufundika. Awo mpo mujana maapele mabotu, muunsi lya cikongyo mpo cibede. Mbo mbubo. Kuzumanana buyo ncobeni mukati kunze lya cintu, kuunka kulya maapele. Mwabona?

⁷⁵ Lino, eci . . . Mpawo Leza wakazuza Muuya Uusalala . . . Mpawo Wa kabikka Mbungano Yakwe ku Kwii lemya. Aa Kuboola kwabili, mpaawa kwasika Mbungano kusule, Nabwiinga. Lino amulangilile. Amubone naa balainda Muciindi ca Mapenzi. Wa kati, “Aba banakalindu, kuti bakasika a kwaamba, ‘Kotupa Mafuta ako.’”

“I Sibwiinga wasika!” I kulila kwakazwa, “Amubone, Sibwiinga ulaboola. Kamuya muka Mu swaangane.”

Elyo aba banakalindu, abo bakali banakalindu, basalala, bakasalazigwa (amu ciyeeye), bantu basalala, bakasalazigwa kabatakwe lubbizyo lwa Muuya Uusalala, ba kati, “Kotupa Mafuta!”

⁷⁶ Elyo Mbungano yakati, “Tu jisi buyo kunji kuli ndiswe. Kamuya muka mukombe mpawo.” Pele ciindi camana kale mpawo. Aboobo, mbungano yakanjila mu Mucado, nkabela aba bamwi baka sowelwa mu mudima waanze (sa mbo mbubo?), awo akali koomoka a kulila a kuluma ntwino; elyo bakainda mu kupenzegwa, bakapenga, bakafwa.

⁷⁷ Jesu waka bweeda ku nyika. I bulelo bwa Mileniamu bwaka njila, myaka iili cuulu a Nguwe. Kutala kwa kaboola i-i baluleme a bataluleme. Elyo Ba kabeteka bantu boonse. Elyo mpongo zyakali ku lubazu lumwi a mbelele ku lubazu lumbi. Elyo mpawo Leza wakasika akutola Mbungano kujulu a bwamba bwa nyika kuyaku muswaangano wazilabba, oko toonse nko tubungana antoomwe a bayandwa besu. Mwabona? Ndoolo lwandaano.

⁷⁸ Lino, aba bantu awa . . . Ncamasimpe cindi twafwa, ikuti na tuli muli Kristo Jesu, tuunka kuba a Mubili oyo mupati kutala, Kristo Jesu. Ikuti na tuli basizibi, tuyu oba a mubili oyo mupati wa batasyomi; elyo Leza wakati caabilo cesu cakali

a basikuupaupa, azimwi zimbi, mu gehena. Ameni! Kwayanda inga tau mvwiki kabotu loko.

Pele, atu bone lino ikuti na tula konzya kuziba... Kagwalo buyo kaniini awa.

16. Akaka pandulula Kulonga ya 24... i cipati ca 4 akampango ka 24. Ino olu Lugwalo lwaamba nzi—kuti Leza wakali kukanza kujaya Musa na mwana wakwe? Elyo nkaambonzi?

⁷⁹ Tu lizi awo mpo cibede, Kulonga 4:24. Oyo mubuzyo mubotu. Lino, awa tula cibala mpoonya awa aniini buyo. Kulonga 4 a 24:

*Elyo caka boola kucitika ku nzila ya kucilo, kuti
Mwami waka muswaana, a kuyanda kumujaya.*

Mbangaye bayeeya kaano? Lino, Leza wakapa Abrahamu, mazyalani kumbele lya Musa, i citondezyo ca kupalulwa. Elyo eco cakali cipangano eco Leza nca kapanga, kuti aumwi mu Juda weelede kupalulwa. Sa mbo mbubo? Muntu oonse weelede kuba... Eco cakali citondezyo.

⁸⁰ Elyo twa kapalulwa sunu? A Muuya Uusalala, kutali ku mibili wabantu.

⁸¹ Lino. Lino, Leza wakapa mulazyo oyu, “Elyo mweenze aumwi weelede kupalulwa.” Elyo Leza, cindi Na kaita Musa kuselemukila okuya a kuvuna bana ba Israyeli, Musa taka cita aa mwana wakwe, citondezyo nciconya cakuvunwa. Mwabona eco Nce pandulula?

⁸² Inga kwaba mbuli ndime kwaamba, “Nyoonse nywebo no mbungano eno, umwi aumwi wanu wa—wa kanjila akubbizigwa okuno mu maanzi, alimwi twa kamu bikka mu bumembala bwa cikombelo. Toonse tuunka ku Bulemu antoomwe.” Baa, mukwesu, olo taluli Lugwalo. Citakuti wazyalululwa lubo, kupalulwa kwa Muuya Uusalala... We elede kuba. Ta ndikwe makani obo mboli mubotu, eyo mbungano njo zulilwa, obo bazyali bako mbobali babotu, citakuti yebo mbuli mugame waka zyalululwa ku Muuya Uusalala, toka njili mu Kukwempwa. Mwabona? To konzyi kuunka. Eco nce citondezyo ca kuvuna, kupalulwa; alimwi kupalulwa nkwiinda ku Muuya Uusalala. Lino Leza...

⁸³ I—i sikubuzya wabuzya oyu: “Sena—sa olu Lugwalo lwaamba kuti Leza kapima ku kujaya Musa na mwana wakwe? Elyo nkaambonzi?” Leza wakali kuyandaula Musa. Elyo Zipporah wakali umwi alikke waka muvuna okuya. Nkambo Zipporah waka jana bbwe libosya, a kwiinka, a kutenda lulomo lwa kumbele kuzwa ku muvvanda wakwe, a kuciwaala kumbele lya Musa a kwaamba, “Yebo uli mulumi uuzwide malowa kuli ndime.” Sa mbo mbubo?

⁸⁴ Elyo Leza naka bweza buumi bwa Musa, pele antela Angelo wakali imvwi alya, kati, “Zipporah! Amu cijatisye cakufwambaana!” Mwabona?

⁸⁵ Elyo Zipporah wakaunka a kuyopalula muvwanda. Kati, “Musa, ulabikkila maningi-loko maanu kujatikizya zintu zyoonse zimbi a kujatikizya lweendo lwako, kuti mwana wako wini mulombe tana palulwa.”

Nda libuzya buyo ziindi zinji ikuti... Ziindizimwi Nda kaswaana bantu bakati, “Oh, bulemu kuli Leza. I Mwami uyanda kuti ndicite cintu *cimwi*. Walo uyanda kuti nduunke ku Africa, ku India.”

⁸⁶ Nda kati, “Sa wakasola kubuzya simikupa ikuti na waka futulwa? Sa wakasola kubuzya mulombe uusambala mitende na wakazyalululwa kale? Mbobuti kujatikizya simukobo nyokwe, sena baka futulwa?” Mwabona? Lino, oyo mubuzyo. Mwabona? Ikuti na cili mu moyo wako... .

⁸⁷ Okuno ciindi cimwi cainda mwanakazi wakandi swaana kumusanza okuno mu Florida. Elyo mwanakazi muubauba, Nse jisi nzila... Nseli mubetesi. Pele ngooyo mukambausi muniini wakali mpoonya awa a kukambauka aa cibumbili eci. Elyo mulombwana muniini mu cisi cimbi waka kwatana a kuba a mukaintu, bana botatwe na bone. Elyo oyu mwanakazi wakali mukamufu. Elyo ba kazwa ku Texas, antoomwe okuno mu mootokala mupati wa Cadillac. Elyo mwanakazi wakasika. Elyo uli jisi nguzu zya kusama mu nzila ili yoonse nja yanda, taka bamba cintu kuli ndime; pele mbuli mwanakazi Munakristo takasamide mbuli booboo. Waa kali (oh, ma!), waa kali... kajisi kulampa loko... balo masikki (kufumbwa mbo muciita) kalengelela mbuli boobu, elyo waa kajisi zintu zinji loko zya—zya zintu aa mulomo wakwe; elyo—elyo—elyo zikoye zyakwe zyakali tendedwe elyo aa kajisi zikoye zimbi, a penso, kunanikwa. Elyo waa kati, “Mukwesu Branham,” kati, “Mwami uli muku ndiita ku cisi ceenzu.”

Nda kati, “Mbwa bede?”

“Iiyi!” Elyo waa kati, “Ndiya okuya a mwaalumi oyu.”

Elyo Nda kati, “Ee, ikuti na Mwami wa kwiita, ee, ncibotu.” (Pele ku micelo yabo... Tii cakaboneka maningi kuli ndime mbuli... Mwabona?)

Elyo waa kati, “Sena tosyomi Mwami... ?”

⁸⁸ Nda kati, “Lino, uta ndibuzyi. Ikuti na Mwami wa kwaambila, kocita eco Mwami nca kwaambila kucita. Pele kuli ndime, Nse yeeyi booboo, kuli lwangu. Ndiyo syomeka buyo kuli ndinywe.”

Waa kati, “Ee, nkaambonzi neco yeeya booboo?”

Nda kati, “I cintu citaanzi, mbuli nduwe mbuli mwanakazi uukwetwe a mwaalumi oyu uukwete ta ciboneki kabuto loko, yebo uukkala kumusanza okuno mu dolopo antoomwe. Ikuti na cintu cimwi caleta sampu mbuli eelyo. Wabona?” Elyo Nda kati, “Lino, cintu citaanzi... ”

⁸⁹ Lino, ncinzi cakacitika ku mwanakazi oyo? I cintu nciconya cakali kunga... Waa kazumanana kupilingana kakutakwe kutambula Muuya Uusalala, mbuli buyo mwanakazi oyo okuya kulaale sunu oyo waka nditumina alimwi wali kuyanda kukwata mwaalumi oyo, a kusiya mulumi wakwe wini, a kukwata mwaalumi. Waa kaboola mu busena buli boobo, ndiza ciindi cimwi mukuba mu kukwabana a Leza, pele wakali kusukamina zintu zya nyika. Elyo Nda kamubuzya; Nda kati, "Sena wakatambula Muuya Uusalala?"

Waa kati, "Kutali, pele Ndi Ci yandaula."

⁹⁰ Nda kati, "Ko jana Muuya Uusalala lutaanzi, nkabela Uyo kwaambila mulumi wakuba awo." Mbo mbubo. Mwabona?

Yebo—yebo ujisi... Obo mbo cibede. Ikuti na tociti, uyo fwa kumuuya. Leza uyandaula banji sunumasiku, kuti Wa konkomona ku moyo wakwe ziindi zinji loko. [Mukwesu Branham wakonkomona aa cikambaukilo—Mul.] Elyo cimwi ca ziindi ezi Uyo jala mulyango, a—a luse lwamana. Mwabona?

⁹¹ Masimpe, Leza naka mujaya. Wa kati Wa kamuyandaula. Amuswilile obo Lugwalo mbo lwaamba:

*Elyo caka boola kucitika ku nzila ya hotela, kuti
MWAMI waka muswaana, kuyanda ku mujaya.* (Musa.
Lino, amulangilile.)

*Mpawo Zipporah waka bweza mwaala ubosya—bbwe
ubosya, a kutenda lulomo lwa kumbele lwa mwana
wakwe, a kulu waala ku matende aakwe, a kuti,
Masimpe uli mulumi uuzwide malowa kuli ndime.*

⁹² Mbo mbubo. Lino, Leza takali kuyandaula mwana. Leza... Oyo muvwanda muniini utakweankwaya takazi aca kucita; tacikwe kampenda. Pele cakali cintu nzi, wakali wisi wa muvwanda, oyo wakali kutola muvwanda kunselelo okuya kuyo vuna bana ba Israyeli kensi lya citondezyo ca kupalulwa; elyo nekubaboobo mwana wakwe wini takapalulwa akwalo. Mwabona? Elyo Zipporah waka lutenda kubelsya mwaala, lulomo lwa kumbele, a ku lusowela ansi, a kuti, "Uli mulumi uuzwide malowa kuli ndime."

17. Akaka pandulula bupanduluzi bwa Lugwalo, elyo cindi caakutika: Isaya 4 a 1. Kulumbwe.

Yaa. Tula unka buyo lino... Nywebo nobantu nomu jisi Mabbabbele anu a bayanda, tuyu bona cintu... Nse kajana ciindi caku lungumana olu, pele Nda kayeeya kuti ndiza inga twa jana musyobo umwi wa bwiinguzi. Mpawa mpo tubede.

*Elyo mu... (Oh, iyi!) Elyo ciyo boola... Elyo mu
buzuba obo banakazi bali ciloba bayo jata mwaalumi
omwe, a kwaamba kuti, Tuyo lya cinkwa cesu cini, elyo
tuno sama zikobela zyesu zini: buyo tu lekele twiitwe ku
zina lyako, kugusya sampa lyesu.*

⁹³ Ee, mukwesu, cili munsi loko ku bubi obo eno. Ino nkoomoka kwacitika ku cisi cesu! Anda ambe ceeci, beenzuma bayandwa Banakristo. Anda ambe ceeci a bulemu bwabuleza ku muntu oonse: Ikuti na kwakasola kuba... Elyo nywebo no bantu awa abo bakaiya makani aakale, tuli moonya mu mugwagwa nguonya oyo cisi acimwi mu makkalo mocakeendela, kuubauka kulilemeka, kujokela nconzyo.

⁹⁴ Mbuli mbo Nda amba cifumo cino... Amu ndijatile ku kuciloolola. Mu cisi cimbi mwaalumi waka boola kuli ndime a kwaamba kuti, "Mukwesu Branham, ino musyobo nzi wa banakazi ngo mujisi koonse kuya? Ee, inyimbo zyoonse nzo mwiiimba, inyimbo zimwi zyakaindi ziboteleya zijatikizya banakazi banu." Nce ncico. Misyobo yoonse... kudobana kumwi kwa—kwa—kwa...

⁹⁵ Ee, yebo ulizi mbo cibede? Ikuti na uyanda kuti ndi kwaambile mu majwi masyoonto, Njo kwaambila mbubonya. I nyika yanjila mu musyobo oyu wa ciimo, nkaambo ngu Sodoma a Gomora ya busyaasunu. Mbubonya! Mu California Nda kabweza pepa. Elyo Nda luba na bali zyuulu zyongaye amwaka mbe bajata, ku ziba, zya kwindila kwa basikoonana muli cabo. Nokuba kuyandisyia kwabo kwa kunyama kwa i... akati ka mulumi a mukaintu, azimwi zimbi, kwali kusiya bantu. Mbubonya eco Leza nca kaamba kuti ciyo citika. Elyo lwabo beni...

⁹⁶ Yebo usala imwi... Mwabona oyo ujana musyobo umwi wa mpuwo. Amuswiilile ku redio yanu, na matelevizhioni, na kufumbwa nzo mujisi, a kuziba. Kulaindila loko a kubija loko... Kuli lwiimbo lujatikizya mwanakazi umwi na cintucimwi mbuli eco, eco nce cintu cisunda kapati.

⁹⁷ Elyo cakasika ku busena oko nko kuboneka kuti tatukwe ndaba ku banakazi besu, na, banakazi besu tabakwe ndaba lwabo. Obo mbo cibede. Ikuti na mwanakazi walibamba kabotu, mwaalumi inga wa lulama. Elyo oko takuli kwiiiminina mwaalumi, pele Ndi lizi obo mbwini. Iiyi, munene! Pele ino ncinzi? Calo ii—ii nciimo ciyoosya, alimwi cili mukuba buyo. Elyo cileendelana ku Lugwalo. I Bbaibble lyakati ciyooba mu nzila eyo. Aboobo mbobutu mbo tukonzya kuba a lubukulusyo? Mbobutu mbo tukonzya kuba a lubukulusyo?

⁹⁸ Amuswiilile, beenzuma Banakristo. Mu ciindi cisyoonto casyaala andi mubuzye cintucimwi. Tu jisi ba Billy Graham. Tu jisi ba Jack Shuler. Tu jisi misyobo yonse yandeene ya nkamu zya bukombi zicitika mu inyika. Elyo bakali kuunka kwa myaka yamanano ili cisambomwe na ciloba kulanduka United States canguzu mbuli mbo bakonzya ku taamuka, nkabela kwiina lubukulusyo. Nkaambonzi? I milyango ili mukujalwa. Twa kazela nswi zyoonse, mbuli mbo Nda amba cifumo cino,

kuzwa mu ciziba. Ndiza umwi na obilo kai bbandeme kubusena bumwi.

⁹⁹ Oko Billy Graham nkwa kajisi muswaangano (Nda syoma wakali Boston na kubusena bumwi), elyo baka taminina kuti baka jisi kusanduka kwa zyuulu zili makumi obilo mu mvwiki zili cisambomwe. Ba kajokela nikwa kainda mvwiki zisyoonto nkabela tiiba kakonzya kujana bali makumi oblo. Ko ciyeeya! Mukwesu, kutandila buyo kumana. Nda konzya kwaamba cintucimwi awa. Mwabona?

¹⁰⁰ Tu pona mu mazuba ayo Leza nga kaamba kuti ayo boola. Elyo tu pona mu mazuba aakumamanino. Elyo tu pona mu ciindi eelyo bantu...Kakutakwe kulanganya eco nco tusola kuyeyya kujatikizya ncico, Ijwi lya Leza lyaamba kuti twa kakanzwa. Mbo mbubo. Elyo eco Leza nca kaita ciyo boola kuli Leza; alimwi eco Leza nca taiti ta cikabooli kuli Leza. Leza ulaita, nkabela bala kaka, nkabela Ula ita, bala kaka. Lino, Ta ndaambi kuti Leza ula tapatila muntu uli oonse. Ta yandi buyo kuti boonse beeleder...kuti umwi ata kanyonyooki, pele boonse inga baboola ku lweempo. Pele kutegwa abe Leza, Wa—Wa kalizi ku matalikilo kuti tiiba keelede kuboola. Nekubaboobo Wa kabapa ciindi ceelede, pele tiiba kaboola.

¹⁰¹ Mbobuti...Ikuti na tazyi eco, mbobuti Mbwa konzya kuziba kuti inga twaba a cikocikala citakwe mbizi zikwela? Mbobuti Mbwa nga kazi ziindi ezi kuti ziyo boola mbuli mbo tujisi lino? Nkaambonzi Nca kaamba, “Bantu bayooba basimantumbwa, basikulisumpula, basikuyanda misaaloo”? Nkaambonzi basinsimi boonse ncoba kaamba kumbele kuti zintu ezi zyoonse zimbi zyakali kuyo boola kulaale kuzwa ku matalikilo? Leza wakalizi zintuzyonse. Uli zyi eco ciyooba. Elyo ngooyo muntu mukati muya oyo Leza ngwa kalanga kwinda mu ciindi a kwaamba, “Ta bakabooli.” Elyo bapedwe mulandu buyo ku kupegwa mulandu oko, nkaambo ba kacisala lwabo. Amen! Nceeco we.

¹⁰² Elyo Nda syoma, mukwesu wangu, mucizi (Nda amba eci a bulemu bwabuleza a buyoofu bwa Leza mu moyo wangu), Ndi syoma kuti America yabbila! Ili mukulemeka kubbi. Ya ubauka caansi loko. Cuusisyia nsoni.

¹⁰³ Amuyeeye buyo awa, mbuli Mbwe amba mu—mu kuvviila Lugwalo olu, banakazi bali ciloba baka kwemba kujata mwaalumi omwe. Mu Lumamba Lutaanzi lwa Inyika... Lumamba lwa Inyika Ilwabili...Ndi jisi ii—ii kupulukila ku muunzi kuzwa mu mutende. Amu cibale nobeni. Kati, “Ncinzi cacitika kukulilemeka kwa banakazi besu bana America? Bobilo kuzwa muli basilumamba botatwe bakalekana a bamakaintu abo bakainka ku masi ambi mu myeezi mitaanzi ili cisambomwe.” Bobilo kuzwa muli botatwe baka nyonyooka.

Aba banakazi baka liiba buyo a kuzwa. Nkaambonzi cili obo? Ikuti na mwa mvwisya, beenzuma, walo muuya wa ciindi.

¹⁰⁴ Twe elede kunjila mu muuya wa mazuba aakumamanino cindi mazuba aakumamanino anooli ano. Ula unka ku buyake bwa kuzyana, weelede kunjila mu muuya wa kuzyana, nape taba kazyanyi. Ula unka ku mbungano, weelede kunjila mu Muuya wa kukombela kotana konzya kukomba. I inyika yeelede kunjila mu muuya wa mazuba aakumamanino kakutana boola mazuba aakumamanino, elyo tuli mu muuya wa mazuba aakumamanino. Elyo Leza waka syomezya kuti zintu ezi ziyooba kuno, alimwi eco ncencico nco tujisi. Tuli mu mazuba aa mamanino. Alimwi baalumi a banakazi bali kkede kabooma akuta cibona.

¹⁰⁵ Elyo kulilemeka... Nda kaswaana mulombe mukubusyi kuno buzuba bumwi kuya mu... oh, ciindi cimwi cakainda, oyu ciindi camamanino. Elyo twa kali kuboola mu dolopo. Elyo wa kali kundaambila, mulombe muniini wa cikolo cipati oyo waka kwata. Wa kati, "Nda kakwatya musimbi oyu, nkaambo waa kali musimbi mubotu, alimwi wakacita kumukwata katana kumanizya cikolo cipati." Kati, "Tee twa kajisi naba omwe wakasandula nakalindu, kuciimo mbuli Mbwe zyi, mu cikolo cipati kwa myaka koonse okuno." Mwabona? Kuubauka loko mukulilemeka.

¹⁰⁶ Elyo kumusanza mu California, Nda kainda mu tugwagwa mu masena oko kwalo basilikali inga bakwaambila kuzwa mu kagwagwa. Kuli ntenda mpati ku mwaalumi kwiinda mu kagwagwa kwiinda mbo cinga caba ku mwanakazi. Tuzila tusiya. Oh, Leza, koba a luse! Sena tozi kuti Bbaibbele ly kaamba zintu ezyo kuti ziyo boola?

¹⁰⁷ Elyo Katana kupa cimvule ca ncico mu Sodoma a Gomora, a kuselemukila okuya, cintu nciconya caka sinsimunwa busena—cakacitika, mubwini. Elyo Leza wakatuma mulilo kunselelo a kuumpa busena. Ii cimaninizyo nciconya cakutondezya kuti inyika mboizulwa, cindi casika ku busena obo, inga bayo tambula i [Kabeela katakwe cintu aa teepu—Mul.] cintu.

¹⁰⁸ Tuli ku mazuba aakumamanino. Masimpe. Banakazi bali ciloba baka vumpila mwaalumi omwe, kabaamba, "Tuyo ly cinkwa cesu cini a kusama zisani zyesu zini, biyo tulekela kwiitwa ku zina lyako kuti tu gwisyé sampu." Mukwesu, to elede kuzwa ku United States. Kuli biyo busena bomwe obo Mbwe kasola kubona mu buumi bwangu kuti Nda kayeeya kuti kwakali kubija maningi kwinda tugwagwa a zintu Mwe kabede mu mu cisi cesu cini. Alimwi ta tuyi busumpuka pe. Tuya bwiindila a kubija ciindi coonse. Elyo amuyeeye, Ndi kanana mu Zina lya Mwami. Tuyo zumanana kuya bwiindila kubija. Kuli biyo bulangizi bomwe pe, alimwi omo muuli Kristo Jesu. Takukwe makani eco nco cita.

¹⁰⁹ Nda koompolola, kazwa kwiinda mu cisi awa. Elyo Leza akwalo wakabusya bafu. Elyo twa kainka mu madolopo; a bantu kababuka abo bakali mu zyuuno zyabweenzu kwa myaka, a kweenda kwiinda mu dolopo kunze lya myootokala, katonta ng'ola zyabo a zintu mbuli ezyo. Alimwi banakazi, abo bakaambwa ku madokotela kuti balifwide, kubweza maekisireyi abo a zina lya dokotela atala ali njiyo, baka busigwa kuzwa ku bafu. Elyo muunzi oonse wakacebuka a kwaamba, "Huh, kukwabana kwa mizeeo; nkamu ya babumbulusi basalala." Oh, tamu konzyi kulangila cintu cimbi cita lunyonyooko! Oh! Mbo mbubo!

¹¹⁰ Lubeta lwasika, nkabela mweelede kulu tambula. Mukwesu, kotija kuzwa ku bukali kuboola a kuunka kuli Kristo Jesu cakufwambaana mbuli mbo konzya! Kozwa mu zintu ezi! Iiyi, walo muuya wa mazuba aakumamanino. Zintu zinji inga zyaambwa. Ndiyo bindaana.

18. Sa inga watwaambila nzila Mwami a Mufutuli wesu Jesu Kristo mbwa tulangila kuboola mu ng'anda ya Mwami wesu ku komba?

¹¹¹ Yaa, oyo nguumwi mubotu. Eco nciyandisi maningi ku mbungano ili yoonse. Leza ulangila kuboola ku ng'anda ya mbungano... Lino, oyo mubuzyo buyo, mubuzyo buyo uululeme. Ta cili ca Lugwalo; ci... nekubaboobo cili obo. Amulindile, Njo mwaambila eco Nca kaamba. I busena butaanzi, ikuti na tuyanda Lugwalo, bantu beelede kuboola ku ng'anda ya Leza ku bukanze bomwe, oko nkukomba, kwiimba nyimbo, a kukomba Leza. Eyo nje nzila Leza mbwa tulangila. Ta langili ndiswe kuboola mu ng'anda ya Leza kwaambaula makani esu... na cintucimwi cimbi, na kwaambaula kujatikizya umwi aumwi, na kwaambaula makani eco nco tweelede kucita kwiinda mu mvwiki; Ulangila ndiswe kuboola kuzo Mu komba. Ni ng'anda yakukombela. "Elyo zintuzyonse zyeede kucitwa cakulilemeka kabotu a mu ncililano," wakaamba Paulo mu Bbaibbele. Zintuzyonse zyeede kululama. Kweelede kuba mulumbe.

¹¹² I cintu citaanzi Nce konzya kwaamba, kweendelana ku milazyo ya Mbungano mu Cizuminano Cakale, na, i Cizuminano Cipywa mubwini, ku busena butaanzi, kuti bantu baka njila mu mbungano ya—ya Leza mu Muuya wa kukombela. Elyo ba keenda mukati, ziimbo zyakaimbwia. Elyo ndiza mukambausi wakali kunga waamba, nkambo wakali musinsimi wa mbungano. (Ii musinsimi wa Cizuminano Cipywa mukambausi; tu lizi obo: "I bumboni bwa Jesu Kristo Muuya wa businsimi," kaamba Ciyubunuzyo.)

¹¹³ Lino, mukambausi wakatalika kukambauka. Kuciindi na kakambauka, zileleko, mpoonya aa i, ndiza mamanino aa nkambauko yakwe, katalika kuwa; bantu bayo amba, "Ameni,"

koya ku kuleleka Leza. Mpawo mbwa lekela buyo kukambauka, kwayanda kuli mulumbe uyutuka, ndiza mu kukanana mu myaambo itazizilwe (Bakorinto Bataanzi 14:13, 14). Mpawo—mpawo ikuti na taakwe sikupandulula mu mbungano, oyu muntu weelede kuumuna, nkaambo bali mu kwaambaula mu myaambo cakululama, pele bala cicita kumbele lya Leza. Mwabona? Pele ikuti na baambaula mu myaambo nkabela kuli sikupandulula, sikupandulula weelede kupa mulumbe. Mambungano oonse ali mukusika kuli ceeco.

¹¹⁴ Charles Fuller, mbuli mbwa kakwankwana a kulilemeka bumwi kuli ndime kujatikizya ceeco cindi Ne kali kokuya, uli muku citambula lino. Elyo bali mukucicita Fordi Milamfu. Iiyi, munene! Mpoonya aa nkomwe, moonya mu buyake bupati, mukuba a zilongezyo zya Leza, kazikanana mu myaambo, bupanduluzi bwa myaambo, a kukombela balwazi. Elyo wa kaima busyu a busyu a ndime a kwaamba, “Mukwesu Branham, Nse syomi mu zintu ezyo.”

Nda kati, “Ee, cili kuli nduwe. Tacili ca batasyomi, Mukwesu Fuller, Nca baabo basyoma.” Elyo lino ula kambauka cintu nciconya. Cila boola ku ciindi; nkaako kazekelo.

¹¹⁵ Lino mpawo, ikuti na cili mu malailile, ikuti na eci ncencico ncokali kujana ku... Kuciindi mukambausi nakanana zintuzyonse zyelede kuumuna kuswiilila ku mukambausi. Nkambo ndeelyo Ijwi lya Leza kalyabuya, ikuti na ukambauka kunsi lya bunanike. Mpawo, muuya oonse wa basinsimi uleendelezegwa ku musinsimi. Cindi mweembeli aenda ku cibumbili, kukaka Bbaibbele eelyo, mbungano yeelede kuumuna, kuswiilila ku i...kubala kwakwe kwa Lugwalo, amuswiilile eco ncayo wamba. Ikuti na waamba cintucimwi eco cilimvwisyah kabotu kuli nduwe, inga wati, “Ameni, alelekwe Mwami!” na kufumbwa nco yanda. *Ameni* caamba kuti “akube boobo.” I Bbaibbele lya kaamba kucita ceeco.

¹¹⁶ Mpawo, mulumbe wamana... Mpawo ikuti na mukambausi wapa busena omuya omo bantu boonse moba kkomene, i Muuya akati ka bantu, antela inga Wa tuma mulumbe umbi. Ikuti na Wa tuma mulumbe, uyo boola ku muntu umwi, mpawo bupanduluzi; ta cikabi ii, kubalulula buyo kwa Lugwalo na kucita cintucimwi. Leza tabelesyi masena abuyo pe. Pele uyooba mulumbe uugama ku muntu umwi kucita cintu *cimwi* na cintu *cimwi* eco ciyo gwasya Mbungano. Mpawo cindi bajana oko kulumba kwa Mbungano, nywebo mwati...

¹¹⁷ Mbuli kupa mukozyanyo mbuli oyu: Muntuumwi waima awa a kukanana mu myaambo; oyu umwi ulapandulula a kwaamba, “MBUBOOBU MBWAAMBA I MUUYA UUSALALA: Akube kuti *Niini-a-niini* aunke kubikka maanza aa muntu oyu okuno, nkambo MBUBOOBU MBWAAMBA I MUUYA UUSALALA, sunumasiku nciindi ca kuponesegwa kwabo.” Ino ncinzi?

Mpawo oyu muntu nguwenya wakati, “Nda kali kkede alya; moyo wangu wakali kupya ku muvwanda ulya.” Lino—lino bala nyamuka mu kuswiilila ku Muuya, koya ukabikke maanza ako aa muvwanda, elyo kuli kabotu. Ikuti na tii cakacita, cintucimwi cililubide. Mwabona, mwabona? Walo mulumbe uugama.

¹¹⁸ Mpawo sikutasyoma ukkede alya a kwaamba kuti, “Lindila aniini. Kwaamba, Leza uli a bantu abo!” Mwabona eco Nce wamba?

¹¹⁹ Mpawo uyo amba, na, “MBUBOOBU MBWAAMBA I MUUYA UUSALALA: Akube kuti umwi aumwi uli ku lubazu lwa ku musanza lwa dolopo, kuzwa ku lubazu olo lwa Kagwagwa ka Spring, kunjila mu mazuba obilo atobela, nkambo kuboola nguwo lyamvula liya kufumpa lonse lubazu olo lwa tauni.” Mpawo, cintu citaanzi mulizi, kuli cisinsimi ku mbungano yoonse.

¹²⁰ Mpawo muntuumwi, lubeta lwa kumuuya, wabuka a kwaamba, “Sa eco cakali ca Mwami?” Umwi aumwi. Ikuti na bantu botatwe babotu bayoima a kwaamba, babetes ba kumuuya, kwaamba, “Eco cakali ca Mwami,” mpawo mbungano ila citambula; alimwi oonse muntu kumamanino a tauni weeled e kuzwa, kutantamuka kuli ndilyo ku ciindi eco. Mpawo ikuti na tacibooli kucitika ncibotu walangalanga muntu oyo. Mwabona? Yebo ujisi muuya umbi akati kanu. Pele ikuti na caboola kucitika, mpawo longezya Leza a kulumba Leza ku mulekela kuloboka bukali bwa keelede kuboola. Mwabona? Amulangilile zintu ezyo. Eyo ni Mbungano mu ncililano.

¹²¹ Milumbe yobile na yotatwe, kutali kuli yotatwe, iyo unka ku ciindi cimwi mbuli eco. Kufumbwa ciliko, mwabona, yeelede kubikkwa mu ncililano. Ibusena butaanzi...mpawo, mbungano imbi, cintu cimbi mu ncililano...

¹²² Ta ndizi. Oyu ndiza wakali mwanakazi oyo wabuzya eci. Ndi buyo...Cintucimwi cimbi caboola mu mizeeo yangu, kutegwa Ndi konzye akwalo ku caamba. I mwanakazi, cindi niba kaboola mu mbungano, cakali kweendelana ku Cizuminano Cipy, keelede kweendela mukati akukkala a busy uvvumbidwe aciwa cisylungene, elyo kukkalilila mu kuswaangana konse. Eco cileendelana a Lugwalo. Lino. Pele Ndi yeeya kuti mwanakazi...Masimpe. Lino, Nse musampauli banakazi. Mwabona?

¹²³ Ii mulindu mukibusyi wakaboola kuli ndime kaindi kainda. Kutali...Mukwesu Junior wakaliko kuya kuciindi mwanakazi nakasika, kuti waa kajisi penzi limwi. Basimukobonyina baka museka, nkaambo takali kugela masusu akwe okuno kutali ciindi cilamfu cainda. Elyo waa kaunka a kugela masusu akwe. Elyo mpawo, mwanakazi umwi mutala a mulonga waka munyongana koonse, a kumwaambila kuti waa kali kuyo bweza, mu nzila ya kumuuya, kwaanga matende akwe a janza

lyakwe, na, masusu alimwi waka njizya oyu manakazi mu kuyoowa kupati kutali kabotu. I mwanakazi wakali kuyanda kusweekelwa mizeeza yakwe, bana bobilo. Taa kazi cakucita. Waa kali kkede buyo mbuli boobo.

¹²⁴ Waa kali kunga watanta kumbele lya ng'anda buzuba bumwi. I Muuya Uusalala waka selemuka, a kukanana kuli nguwe, a kumwaambila kuti uyo oba kabotu, kati, “A MBUBOOBU MBWAAMBA I MUUYA...” Elyo waa—waa kakkala mbuli boobo mpawo kwa mazuba masyoonto, elyo mpawo waa... Nda kaunka jilo, kali kuyo bona mwanakazi a Mukwesu Junior a Mukwesu Funk. Elyo Nda kali mukati ka cisela ca maile. Waa kalimvwi, kasakula masusu akwe ayo ngakali kuyo lekela—lekela kulampa lino, kati, “Akube kuti basimukobo baseke a kucita kufumbwa nco bayanda.”

¹²⁵ Elyo mpawo, Muuya Uusalala tiiwa ka ndilekela kuunka okuya. Elyo Ca kaambaula kuli nguwe a kumwaambila kuti Nda kali munsi lya busena nkabela ndakali kuyanda kuboola. Elyo busiku bwainda mu cilengaano, kabona mwanakazi kaboola, a kwaamba eco cakalubide kuli nguwe; elyo waa ponesegwa mu kaanda kangu kaindi kainda. Mwabona? Sa mbo mbubo, Mukwesu Junior? Mbo mbubo. Kaindi buyo kainda. Mwabona? Leza ta kandilekela kuunka okuya ku cintu cakatalina bambwa kale. Mwabona? Wa kandileta nkoonya kunselelo ku busena a kucitondezya mpoonya awo, kutondezya kuti takali muntu, Wa kali Leza. Mwabona?

Lino. Waa kati, “Mukwesu Branham, mulumi wangu uyanda kuti ndibe a masusu malamfu.”

¹²⁶ Nda kati, “Leza uyanda cintu nciconya.” Mbo mbubo, nkambo banakazi beeleder kuba a masusu malamfu. Eco ncivumbyo cabo.

¹²⁷ Ndi lizi swebo tobalindu sunu, na nywebo no balindu, mubwini, kusama ngowani. Yebo wati eco ncivumbyo cako. Eco cili lubide. I Bbaibbele lyakati civumbyo ca mwanakazi masusu aakwe. Elyo ikuti na ula gela masusu akwe ncintu citondwa kuli nguwe kukomba. Mbo mbubo? Olo Ndugwalo. Mwabona? Aboobo lino, banakazi beeleder kuba a masusu malamfu, kakutakwe kulanganya eco nco muyanda kuyeeza kujatikizya ncico; eco ncencico MBUBOOBU MBWAAMBA I MWAMI. Ula konzya kundi tondezya busena buli boonse... .

¹²⁸ Yebo wati, “Ee, masusu angu malamfu. Mwabona, cili kunselelo ku makuko angu.” Ayo akali masusu mafwaafwi. “Kristo...” Yebo wati, “Kristo waka jisi masusu malamfu.” Peepe, Ta kajisi. Kristo waka jisi masusu malamfu asika ku makuko, obo mbo baamba. Bala—bala kwela kuzunguluka nzila eyi a kwaagela, masusu malamfu kusika ku makuko. Amulange bbala lyaci Griki ali ceeco omuya, nkabela moyo ziba.

¹²⁹ Masusu aabwanakazi . . . I mwaalumi taelede kuba a masusu malamfu, nkaambo mbwanakazi, kulaale kumusanza mbuli obu. Pele Wa kagela buyo awa kusika ku makuko Aakwe, oko nkoba agela, kuzunguluka mutwe Wakwe, ku cuuma buyo mbuli boobo. Ayo akali masusu mafwaafwi.

¹³⁰ Aboobo, balindu a masusu ku kkuko lyabo, cicili masusu mafwaafwi. Lino, Ta ndaambi kuti inga wamatuma ku gehena na ku mutola ku Julu. Eco tacikwe cintu cakucita a Ncico pe. Pele malailile aa Mbungano nga banakazi kuba a masusu malamfu. Mbo mbubo; mbo mbubo. Elyo ku njila mbungano . . . Elyo—elyo kutaba acintu cakucita mu makani, makani aa buleya, na, kutali i . . . Nda amba makani aa mulimo mu mbungano. Elyo we elede kuswiilila, a kubatama, azimwi zimbi mbuli ceeco, nkaambo waa kali umwi, Bbaibbele lyakati, oyo wakaleta kuwa kutaanzni. Elyo mbo mbubo; mbo mbubo. Lino, cakubinda ncobeni. Nda syoma eco tii canyonganya.

19. Mubuzyo: Nkaambonzi cilengaano ca Leza nco cakasika kumbele lyangu cindi Ne kali kutandila kulya Mulalilo ku mbungano yangu? Okuya. (Ee, ndi zina buyo lya mulindu; iifyi, ndi zina lya mulindu,) **Ii . . . Nkaambonzi cilengaano ca Leza nco cakasika kumbele lyangu cindi Ne kali kutandila kulya Mulalilo ku mbungano yangu?**

¹³¹ Ee, inga Nse ziba, mucizi, citakuti cakali boobu: Ikuti na wabona Jesu Kristo kalibonya mu cilengaano ku mbungano yako cindi nokali kulya Mulalilo, Wa kali kukulekela kuziba eci: kuti wakali ku Mu bweza mu ciiminizyo. I Mulalilo ngwa kwiiminina mibili wa Jesu Kristo; alimwi wakali ku Mu bweza mbuli ciiminizyo mu mibili wako. Aboobo kupona cakusalala, a kupona kunjoloma.

¹³² Amuswiilile. Ikuti na mwalya Mulalilo (muyo umvwa kubala buyo mu maminiti masyoonto) cindi wa teelela, ujisi mulandu wa Bulowa a Mibili wa Jesu Kristo. Akube kuti muntu abweze bukkale onkoonya kumbele lya Leza, oyo uubweza Mulalilo oyo, mubwini, kupona kabotu kumbele lya Leza. Muta ulyi caku teelela. Eco buyo . . .

¹³³ Amulange. I Bbaibbele lya kaamba kumbele mu mazuba aakumamanino kuti oonse matafule aa Leza ayo azwide malusi. Elyo inga kwaba muntu uukonzya ku—ku mvwisya. Sa mbo mbubo? Amulange. Nda kainka kutali ciindi cilamfu cainda mu eikombelo cipati. Inga nseita zina; nyoonse muli cizyi kabotu. Sa mulizi ncoba kali kubalesya ku mulalilo? Ba kali kubeza zinkwa, zinkwa zya buumi, zinkwa zyuubauba, aku zitendaula. Elyo nkamu ya madaikona, kwalo mukambausi wa kaamba kuti bali ciloba babo bakali koledwe . . . Mbo mbubo. Elyo umwi aumwi wabo, nkamu yoonse . . . Inga wababona mbuli mbo bakali kwiinda mu buyake kabaambaula ku bantu. Elyo cindi mbungano niya kamwaika, ku mamanino, akati ka

cikolo ca Munondo a mbungano, kutandila umwi aumwi wabo, mweembeli a boonse, bakazwa kuyo fweba misanga yatombwe aanze, a kujoka mukati a kulya Mulalilo wa Mwami. Leza wakati Ta maleki cakutabula mulandu kuli ceeco. "Elyo banji bala ciswa a kukompama akati kanu, a banji bali fwide." Mbo mbubo.

¹³⁴ Kati, "Oonse matafule aa Leza azwide malusi, alimwi nguni Ngwyeo konzya kuyiisya njiisyo." Wa kati, "Nkambo mulao weeleda kubikkilwa mulao, kabala atala a kabala, alimwi awa kuniini alimwi awo kuniini. Amujatisye kuli ceeco cili kabotu. Nkambo a milomo imamauka a myaambo imbi Njo kanana ku bantu aba, alimwi oku nko kulyookezya Nkwe kaamba kuyooba okuno, pele a koonse oku bakali kugunaguna mitwe yabo a kweenda kuzwa a kwaamba, 'Ta tu kacimvwi.'" Amulange oko nko tupona, beenzuma. Oh, luse! Amu sinsimuke!

¹³⁵ Iyi, cilengaano cako, Mucizi... Ikuti na uli mwanakazi, uusalala mubotu, uusalala kumbele ly a Leza, wa kaliimvvi alya nkabela Jesu wakali kumulekela kuziba kuti Wa kali kupa Mulalilo, kuti wakali ku Mu bikka omuya mbuli ciiminizyo; alimwi ikuti na toli obo, mbuli kucenjezya kuli nduwe ku lulama a Leza kotana kucicita alubo.

20. Inga ndaziba obo i—i kutobela mbo kubede: Timoteo Mutaanzi, ca 2... Timoteo Wabili chipati ca 2 akampango ka 16.

¹³⁶ Kwakaindi buyo kaniini. Timoteo Wabili... [Kabeela katakwe cintu aa teepu—Mul.] Tula boola antoomwe. Ndiza tamu kazuminani a ceeco Nce kaamba. Ku kutola ku muunzi... Mpawo, uya kuunka ku muunzi a kubala kabotu loko, elyo mpawo eco ciyo kugwasya kuba simuuya. Yaa, Timoteo Wabili 2 a 16 balabala mbuli boobu:

*Pele tantamuka kasankusanku a kwaamba
kwabufuba: nkambo ziya kwiindilila kuba bubi kapati.*

Iyi. Yaa, uyanda kuziba ceeco "kasankusanku kwa kwaamba kwabufuba" nco kaamba. "Kasankusanku... tantamuka ku kasankusanku ka kwaambi kwabufuba, nkaambo kuya kwiindila."

¹³⁷ Lino, cintu citaanzi ngu "kasankusanku ka kwaamba kwabufuba, nkambo ziya kwiindila." Lino, kufumbwa cintu cili buyo cakaindi... cila zumanana buyo kwaamba kwa buyo. I Bbaibbele lyakati, Jesu wakati, "Akube kuti 'iiyi' wanu ube 'iiyi' a wanu 'peepe' ube 'peepe,' ku cintu cili coonse kwiinda eci ciyo boola ku cibi." Ta mweelede nokuba kudana akusekelezya umwi aumwi. Leza uyo mupeda kambo ku bbala lyonse lyabuyo ndyo mukanana. Mulizi obo na? I Bbaibbele lyakti muya kupenda kaambo ku bbala lyonse lyabuyo. Aboobo ino musyobonzi wa bantu mbo tweelede kuba? Bantu abo baamba cigaminina, balusinizyo, basibuuya, batondezya luyando, abasibuuya kutaba nkamu ya bufuba, lyoonse kweenda antoomwe...

¹³⁸ Amulange. Amu bweze mulombwana uyo talika sunu... Nda kacibona ali lwangu, alimwi mukuba bulenge bwangu bwini, muna Irish; Lyoonse ndi jisi luuwo lunji lujatikizya ndime nekuba, lwa kumwaya akuzumanana. Elyo lyoonse—lyoonse kanjikanji mukaintu wangu wakati, “Lino, Bill...!”

Nda amba, “Mbo mbubo, Oyandwa.” Uyo amba, Ndi vuzya bana... Nda amba... Gonkwa ambabo na cintucimwi, kwaamba, “Ee lino, nywebo mulizi, kwakali bantu botatwe balemu bakazwa mu Kentucky.”

“Nguni oyo?”

“Ee, Abraham Lincoln.”

“Inzya.”

“Daniel Boone.”

“Uh huh.”

“Elyo bauso.” Cintucimwi mbuli ceeco.

¹³⁹ Elyo uyo amba, “Lino, Bill, mpaawo waunka alubo.” Elyo Nde elede kuzwa mu kampetu ku busenabumwi, a kwaamba, “Mwami, kondi jatila, Nse kanzi ku caamba. Kocita cintucimwi kuli ndime; kundibamba kuleka ceeco.” Mwabona?

¹⁴⁰ Elyo buzuba abumwi Nda... ikuti na Nda cita eco... Lino, twali kwaambaula aa bbala *kuwa* cifumo cino. Cindi wacita kuti uli wide. Iiyi, munene! We elede kweempwa. Sa mbo mbubo? Lino, Nse kanzili kwaamba kuti wakazwa mu inyika nkabela mwaka cita *ceeci a ceeco*, pele mwaka cita cintucimwi. We elede kweempwa a kufwa abuzuba kupona muli Jesu Kristo. Aboobo mazuba oonse, mazuba oonse, mweelede kufwa buzuba abuzuba bwa kupona muli Kristo Jesu.

¹⁴¹ Cindi Nda cita cintucimwi... Ziindi zinji Nda cita zintu zilubide. Ndi nooli kubusena, nkabela muntu umwi uyo amba cintu cimwi na cimbi, inga Nda amba kudana kuniini kujatikizya ncico. Muntuumwi wati... Kutali umwi mubi; lino, Nse syomi kuti Banakristo balambla kudana kubbi. Peepe, munene! Peepe, munene! Oko takuli akwalo kuba Banakristo, Bbaibbele lya kaamba. Lya katì amukake zintu zyabuyo mbuli ezyo, a kudana, a kusobana, a zintu mbuli ezyo. Peepe, Banakristo ta baambi zintu ezyo; Banakristo bajisi miyeeyo iisalala.

¹⁴² Pele ikuti na tamu langilili, mu ziindi zimwi myoooba a muntu... Uyo amba kudana kuniini sunu. Elyo ee, wa kabaanga wa kayeeya kuti cakali kabotu, nkabela uyo cilekela buyo kwiinda munci, akuta yeeya limbi kujatikizya ncico. I buzuba bucilia wa kaamba kudana kusyoonto. Mwabona? Elyo cintu citobela nywebo mulizi, uli mukucita cintucimwi cimbi. Elyo cintu citaanzi mulizi, cisololela kujoka nkoonya ku ciyanza eco nciconya alubo. Sa mbo mbubo? Amu tantamuke ku zintu.

Amu futatile! A kutantamuka kasankusanku ka kwaamba kwabufuba.

¹⁴³ Yebo wa kamvwa muntu umwi kaboola kuya... Njo kupa buyo mukozyanyo muniini. “Muka. Doe, sena ulizi cintu? Nda bona mulumi wako. Elyo Nda kwaambila cintu. Elyo ngu daikona.” Mwabona? Elyo...

Lino, cintu buyo, kwaamba, “Nse yandi ku cimvwa!” Mbo mbubo, a kweenda. Taba kabwezi kunji kwa ceeco, nkabela bayo cigonka. Mbo mbubo.

¹⁴⁴ “Oh, uli zyi cintu na, Mucizi? Ndiyo kwaambila eco cakacitika ku Mukwesu.” Kutali biyo mucizi, pele mukwesu awalo. Mwabona?

“Mukwesu, Ndiyo kwaambila eco cakacitika. Nywebo mulizi ikuti na twa konzya buyo kugwisya mukambausi oyu, ikuti na twa konzya kucita *ceeci*, na kugwisya oyu daikona, na ikuti na twa konzya kucita *ceeci*.” Oh, oh! Buyo—buyo amuleke cintu eco.

¹⁴⁵ Ndi yeeya kuti cintu ciniini cibotu nco mweelede ku kkala aa desiki lyako, ncintu ciniini Nce kabona kumusanza mu Florida kutali ciindi cilamfu cainda. Bakali basokwe botatwe baniini; alimwi umwi wabo waka vumbide maanza kumeso akwe, a kuti, “Utano boni bubi”; elyo umwi umbi waka jisi tunwe twakwe mu matwi akwe, kati, “Muta swilili bubi”; elyo umwi umbi waka jisi janza lyakwe ku mulomo wakwe, wa kati, “Uta sampauli.” Ndi yeeya kuti eco ncintu cibotu embo na? Iiyi, munene! Oh, ma! Eco ncintu cibotu loko.

¹⁴⁶ Bamba buyo mizeezo yako kuti kai njoloma a ali Kristo. To konzyi buyo kwaamba kuti, “Ee, lino...” Lino mwabona, ikuti na tamu langilili, moyo litantamuna mu busena, ikuti na mwa zumanana kuyeyya kuti... Elyo muta—mota yeeyi kuti muli jisi... Tamu konzyi kupona cakulondoka loko mane tamu bambi bulubizi obo lino. Lino, muta yeeyi kuti moyo sola kujana nzila eyo, nkaambo tamu kaciti. Peepe, munene! Tokwe cibi, nkabela uya kuleya nconzyo kuzwa munzila yabo, ku lubazu olu akulubazu olo.

¹⁴⁷ Pele muntu auminwa ansi lomwe, ikuti na ngu silumamba wini uyo buka alubo. “Mwami, andibuke a kucisola alubo.” Pele mukandu, mbwa bonena buyo kuti wa lubizya aniini lutaanzi, mbuli buyo Mbwe amba cifumo cino: kauka ka meenda a siluubilili kayo yavula kujokela moonya mu meenda alubo. Mwabona? Ta konzyi buyo ku cizunda.

¹⁴⁸ Aboobo amu kake konse kwakaindi—ako kasankusanku akulilemeka bumwi, kwaambaula. Kwaamba *kwabufuba* caamba “lupyopyongano.” Alimwi Bbaibbele lyakati, “Amu balangisye abo baleta nkazyanyo akati kanu.”

¹⁴⁹ Ikuti na muntuumwi wati, “Uh huh! Uh huh,” lino kwaamba buyo—buyo, “Wapona buti? Ndili kkomene ku kubona alubo.

Ndaku lumba." Elyo kuzumanana buyo kuyabuya. Eco nce cintu cibotu maningi. Muta batantamuki, pele amu basalulule buyo. Muta tabikkili maanu pe, nkaambo myo cibona cintu nko cisolela.

21. Wakali kuli Jesu kuzwa kuli Lyakwe...wakali kuli Jesu kuzwa ku lubbizyo Lwakwe kusikila myaka yotatwe ya mulimo Wakwe?

¹⁵⁰ Yaa. Jesu, cindi Na kabbizigwa, wakazwa mu maanzi mpoonya awo, alimwi Muuya waka Mu solelola mu nkanda kwa mazuba ali makumi one a masiku kuti akasunkwe kuli dyabulosi. Elyo Wa kasunkwa kwa mazuba ali makumi one a masiku. Elyo Wa kaliimya kulya. Wa kazwa. I dyabulosi waka Mu sunka cindi Na kazwa kumanizya kuliiimya Kwakwe. Elyo Wa kazya dyabulosi kwiinda ku Ijwi lya Leza, a kunjila mulimo Wakwe, a kukambauka myaka yotatwe acisela, kweendelana ku Magwalo.

¹⁵¹ Amulange. Kaindi kulaale muli Daniele Leza wakaamba a kuti Uyo kambauka myaka yotatwe acisela a kunyonyoonwa ku Cituuzyo kuciindi eco. Mburonya buyo. Ntalisyo ya inyika Nja kasalilwa. Mbo mbubo.

¹⁵² Matayo cipati 4, myo jana ceeco. Ikuti na tacili mbubonya mbuli buzumini bwanu, yaa.

Lino, oyo umwi Ta ndi... Atu bone eco... Oh, iiyi. "Uli kuli i...?" Twali jisi eco kaindi kainda. "Oko nko bafwide?"

22. Ku cindi cimwi—ku ciindi cimwi twa kali bamakuwa na basiya toonse na? Kuli bobilo, nguuli waka bikkwa lutuko?

¹⁵³ Lino, kuciimo mbuli mbo tuzi, Nse kakonzya ku mwaambila naa Adamu a Eva wakali—wakali mukuwa, na usalaluka, na wayelo, na kusiya. Nse konzyi ku kwaambila. Taakwe muntu umbi uuzi pele Leza alikke, Nda yeeyela; Wa kali kusule okuya. Lino, mu i... Mboli mbo tuboola misyobo yoonse ya mwaambo omwe a bantu bomwe kusikila ngazi ya Bbabelo, lupyopyongano. Elyo mpawo milaka yabo yakaya bwandeene. Elyo kuciimo mbo tuzi kuti bakali bantu boonse kusikila ku ciindi eco. Elyo baka mwaika a kusabalangana mu zibeela zyandeene zya inyika.

¹⁵⁴ Elyo bamwi... Amubweze munyama; amubweze buumi bumwi obo bulya kuzwa ku bulongo bumwi, buyo sanduka kuba mubala oyo. Ikuti na kuli muvvimi awa, undi tobele buyo kwa maminiti masyoonto. Kuselemukila mu Mexico, akujana mubwa wamusokwe; kutanta kuya awa mu Arizona akujana mubwa wamusokwe; kuya kutala ku Nyiika akujana mubwa nguonya wamusokwe, a kulangilila misyobo yotatwe. Kujana Gila monisita uvubwa mu Texas, akujana umwi uvubwa mu Arizona, a kulanga lwandaano muli mbabo (mwabona?), nkaambo ni bulongo mboba ponena. Mwabona?

¹⁵⁵ Elyo lino, muna Chainizi, muna Chainizi ngu i—i muntu wa yellow, Japanizi, a zimwi zimbi, a muna Chainizi. I muna Ethiopia walo i—walo muntu uusiya, na Bantu Basiya abo mbe tujisi lino. Elyo wa kaselemukila mu masi ayo asiya kumusanza okuya.

¹⁵⁶ Elyo ba—elyo—elyo ba kali... Elyo mpawo mukuwa wakali bantu ba Anglo-Saxoni abo mbo tubede. Elyo, ca i—ca bantu awa, eco nco twiita kuti bantu bakuwa, ba kazwa ku England eyo yakali kutegwa “nyika ya Baangelo.” Elyo nkaambo bakali kutuba, a kutubuluka, a zimwi zimbi... A kusabalangana Ireland, a Norway, a zimwi zimbi, kutala kuya. Elyo boonse bakazwa mu bantu ba Anglo-Saxoni.

¹⁵⁷ Lino, eco cakali citaanzi alimwi caka singanisigwa? Kwakanyina cimwi cazyo. Ndi lizi eco nco soleka kusika. Uli mukusola kusika kuli Hamu. Ndi lizyi oko nko muunka, ku bantu ba Hamu.

¹⁵⁸ Lino, kwakali Hamu, Shemu, a Jafeti. Lino Hamu, ta—ta—ta kasola kusisa wisi wakwe kuti uli cinswe, pele wakaseka a kumu fubaazya. Elyo Leza wakabikka lutuko kuli Hamu ku kulanga kuli bawisi kuli cinswe alimwi kutali kusola kuvumba mause aakwe. Alimwi Shemu a Jafeta bakayoowa kusowa mabbaki abo kuli wisi cindi na kalede kali cinswe. Elyo lino, Leza wakaambila Hamu kuti nzyalani yakwe iyo belekela bamwi.

¹⁵⁹ Lino, ikuti na mwali kuyeeya kuti lwakali lutuko, kusiya, ee mpawo, mu Juda ulasiya awalo. Ikuti na muyeeya kuti inga caba i—i, eco nco twiita kuti muntu uusiya, na, Kusiya cisi eci cili waano lino, mweelede kuunka okuya mu India. Bama India balasiya loko kwiinda bantu basiya. Nda kai ku masi abo bobilo. Njeeyi i—i Ethiopia kumusanza okuya kuzwa ku Ethiopia, a Africa, muntu uusiya oyo ngo tuzi sunu. Bali kunselelo okuya, bunji bwabo bacili mu zintu zyabo zitana sumpuka, mu mikowa yabo. Kutandila buyo mbuli mbo twa kabede cindi Jesu nakasika.

¹⁶⁰ Bamakuwa bakali buyo ansi kuzintu mbuli i—i sicisi muna Africa eno, kwindilila antela. Amuyeeye, myaka ili zyuulu zyobilo zyakainda twa kali basimikowa basimantanda ku masena okuya a ii—kubelesya mumpolyo a muuba a kaleba lya mabwe, kuvwima (mbo mbubo ncobeni), swebo to bantu ba Anglo-Saxoni. Mbo mbubo ncobeni. Aboobo eco cakali cinzi?

¹⁶¹ Njo mwaambila umwi oyo sunu uutukidwe kuti ngooyo ukaka Jesu Kristo. Kwa mana. I umwi oyo utambula Jesu Kristo uli lelekewewe.

¹⁶² Lino, yebo tokonzyi kwaamba... Njo unka kutala, kuyo jana ba Eskimo, kuzwa ku nyika eyo kutala kuya. Elyo ngooyo mbwabede kutala kuya; alimwi oyo muntu ulasiya kwiinda bantu basiya abo mbe tujisi kuno. Njo unka ku India kuyo bweza bama India; alimwi ta—ta li muntu uusiya, ula siya ncobeni. Ula siya loko kwiinda... mubala buyo uusiya loko. Elyo ngo nguwe

utegwa . . . Elyo ngu muna India. Ee lino, mu Africa tu jisi bamwi bantu bana Africa bali . . . Bamwi babo bali mu mumuni uusiya; bamwi babo batandila kutuba; alimwi bamwi babo bali—bali mu nzila zyaandene.

¹⁶³ Koya kuba Juda; akwamba kuti boonse ba Juda balo—balo mbalukanda lusiya. I mu Juda muntu uusalaluka, pele Nda kabona banji bamasusu asubila ku mutwe a meso aa bbulu, lukanda lubotu. Mwabona?

¹⁶⁴ Aboobo cintu coonse ngu ceece: toonse twa kazwa ku cisamu comwe. Mbo mbubo. Elyo toonse twa katukwa kwiinda mu kuwa kwa Edeni. Elyo toonse twa kafutuka kwiinda mu bubuke bwa Jesu Kristo. Nceeco we. Aboobo kwiina lutuko. Mutuke mbe mbabo abo batasyomi, pele balacoolwe abo basyoma. Aboobo kwiina umwi, mweenzuma, muntu uusiya na mukkaladi, na mukuwa na muntu wayelo. Mpawo ikuti na muntu usiya waka tukwa nkaambo kakuba munstu usiya, nkokuti muntu wayelo wakatukwa kucibela cimwi. Elyo mpawo i—elyo mpawo muntu wayelo, alimwi mpawo mutu wabbulauni, walo uli tukide kunzila ya zipanzi zyotatwe. Mwabona? Elyo mpawo, bana Africa batandila kusinganisiga kwa foo fifthi. Elyo Ndi yeeyela kuti muna India uli tukidwe ncobeni mpawo. Oh, ma! Mbo buli bufubafuba! Peepe! Mbube bwandeene a zintu bantu moba pona mo. Ba kasanduka, mafwabi a zimwi zimbi, ba kali andeene.

¹⁶⁵ Amulange bana India America. Bunji bwa baabo . . . Muna Navajo okuya walo mukowa usiya loko wa bantu kwinda bantu basiya bana Ethiopia mu cisi eci, Navajo. I ba Apache bali . . . Bali musyobo wa ii—ii mubala wa mukuba. Elyo mikowa yandeene . . . Mwabona? Aboobo mpoonya awo akati ka bama India, mpoonya awa, mula jana bantu basiya, a kutandila . . . Elyo Cherokee wakali kutandila kusiyasiya mbuli ndiswe, Cherokee. Elyo mpaawa mpoonya awa mu cisi eci, mikowa yandeene. Aboobo mwabona, tokonzyi kwamba kuti batukwa ku cibela alimwi kutukwa lweendo loonse. Tee baka tukwa nkaambo kakuti balasiya. Tee baka tukwa nkaambo bakali yello na nkaambo bakali kutuba. Kuli biyo lutuko lomwe Ndwe zyi, alimwi olo nkutasyoma kwa Jesu Kristo. (Ndi lizi, Donny, nciindi cangu cakujala, pele Ndi jisi mibuzyo imbi yobilo.)

23. Yaa lino. **Ili kuli mikowa iisabalangene ili kkumi yakasweeka iya Israyeli (Matalikilo 44:49), mukowa wa Josefa ku masi manji? Simioni, Levi, abo bata kajisi nyika yabo yakuyalilwa, pele bali sabalangene akati ka mikowa imbi ili kkumi . . . Ili kuli mikowa ili kkumi? Sa inga twa ijana abusena?**

¹⁶⁶ Iiyi, munene! Bala konzya kujanwa. Bupange bwanyika bala konzya kujanwa mu Bbaibbele. Elyo Leza ula twaambila awo mpo bayooba mu mazuba aa mamanino aceeco ciyooba

mamanino abo. Elyo ndyoonya lino, Nda kabala buyo bbuku, kuti kumusanza mu Israyeli omo bamwi mo bakabede, awo mpa kaamba kuti umwi wakanika matende aakwe mu mafuta a zintu zyoonse. Leza uli babikkide boonse, kaba bikkidwe mu masena aindene. Elyo ba Juda boonse bali mukujokela mu Palestine, oko Leza nkwa kasyomezya mu mazuba aakumamanino kuti bayooba okuya.

- 24. Mubuzyo omwe umbi: Sa...Nse konzyi kusyoma kuti Leza wakatuma lumamba mbuli lubeta. Nse konzyi kusyoma kuti Leza ulatuma lumamba mbuli lubeta.** (Amuswiilile buyo asyoonto.) **Nse syomi, mbuli bamwi mbo bacita, kuti Leza wakabikka cceba mu maanza a baaba bajayi bakazwa ku Babuloni yansiku kuli Hitler, kujaya banakazi abana batakwe kaambo akati...antoomwe a basimilandu, ku kuzwidilizya lubeta lwa Leza. Akube kuti Leza... Leza wangu wa luyandisyo inga taacita...Leza wangu wa luyandisyo** (Mundi jatile!), kucita ceeći. **Lumamba milimo ya Saatani. Akaka tondezye lupyopyongano olu.**

¹⁶⁷ Lino, kaindi buyo kaniini. Nda bala eci kaindi buyo kainda, kaambo nce Nda bikka eci kunsi. Lino, Ndi yanda kuti mujatilile buyo luumuno lwanu aniini. Lino, atu—atu lulamike eci kabotu ncobeni, nkaambo oyu mubuzyo uukubwene. Elyo weeledе kulanganisigwa cabulemu. Kwamana buyo oyo, na mula kozya kutukkazikila moyo kaindi kambi kaniini...

¹⁶⁸ Ndi lizi ciindi ciya bumana, pele cili... Amuyeyeye, ino ncinzi? Lino, wakali kunga waunka kuzyana busiku boonse a kuyeyya cintu kujatikizya ncico (mwabona?), kakkala ku zintu zyanyika, pele cindi caboola ku Ijwi ly a Leza maminiti aali makumi obile, mukwesu, twe elede kujana mukambausi mupya. Mwabona? Alo mause. Paulo wakakambauka busiku boonse. Nda kakambauka mpoonya awa myaka yakainda aa tuu a thrii okuloko cifumo. Elyo bantu kabeenda koonse akoonse ku busena obu okuno kabalumbaizya Leza aa tuu na thrii okuloko cifumo. Inga mwabona boonse banji bali kkumi ababili ku ciindi balatambula Muuya Uusalala aa tuu a thrii okuloko. Leza koba a luse. Nda lombozya Ne konzya kucibona alubo. Pele ta tukonzyi; buzuba bwaunka. I buzuba bwamana eno; bwa gola eno. Masiku aswena munsi alimwi bantu bali... “Ee, ta tukwe makani limbi, aboobo... Ma, Ndi lombozya kuti nibaleka, kutegwa tu konzye kulisambila kunjila.” Alimwi eyo itandila buyo—buyo kutandila nzila mbo yeenda.

¹⁶⁹ Amulindile, Ndi yanda kumubuzya cintucimwi lino. Lino, Nse kozuminana a nduwe, mukwesu na mucizi, Ta ndizi. Ca bikkidwe awa cifumo cino. Nda kali cijisi mu Bbaibbele lyangu nkabela ndakali kulanga kaindi kainda. Lino, mu nzila ya bulongwe... Elyo lino, Ta ndiyandi kuti ku—ku—ku kwaangununa buyo kuli ndime. Ndi yanda kuti muswiilile kabotu.

¹⁷⁰ Elyo swebo... Amuyeeye, Ndi yanda buyo kunji mbuli kuzuminana a ndinywe aa oyu—aa muzeezo wako aali eci mbuli mbo Nda cita a mwanakazi oyo, mwanakazi mucete kaindi kainda. Kati... Walo a mulumi wakwe, baka leya buyo a kukwatana; elyo nceeco mbo cakabede. Pele ula bweza cikonke cakwe; we elede kuyo kkala a ncico. Mwabona? Elyo lino, Nde elede kujatana a Ijwi lya Leza.

Pele lino, Nse syomi... Pele lutaanzi, Nse konzyi kusyoma kuti Leza ulatuma lumamba mbuli lubeta.

¹⁷¹ Ee lino, mweenzuma, kuli cintu comwe biyo cilubide ku buzumini bwako, nkabela eco ngu, tacili ca Lugwalo. Leza ulatuma lumamba mbuli lubeta. Mbo mbubo. Ndi—Ndiyo mupa Lugwalo; Nse kolubala buyo awa elyo mpawo kumwaambila.

Amulange. Nse syomi mbuli bamwi mbo bacita kuti Leza wakabikka cceba mu maanza abaaba basikujaya kuzwa ku Babuloni yansiku kuli Hitler, ku kujaya banakazi abana batakwe.

¹⁷² Ikuti na Nda kwaambila mu Zina lya Jesu Kristo kuti Wa kacicita, alimwi inga wa citondezya kwiinda ku Bbaibbele, sa inga mwa cisyoma mpawo (mwabona?), kuti Wa kacicita? Yaa. Elyo Uyo cicita alubo. Yaa. Elyo amuswiilile kuli ceeci.

¹⁷³ Ta ndizi. Oyu inga waba mweenzuma wangu wamunsi ukkede awa nku koonse Nkwe zyi; nkambo Leza Oyo uuli ku Julu ulizi akwalo kuti Nse zyi bulembo. Nse konzyi kumwaambila. Pele Ndi yanda kuti muswiilile eci. “Leza Wangu ngu Leza wa luyando, Leza wangu nduyandisyo alimwi taka citi eci. Lumamba ndwa Saatani.” Njo zuminana a ndinywe kuti lumamba ndwa Saatani. Obo mbombubo ncobeni. Ngu sibwami wa inyika eyi. Bwami boonse a cisi coonse mu nyika eyi cizulilwa kuli Saatani. Leza wakati bakacita mu Ijwi Lyakwe. Saatani wakati, “Mbi bangu.” Jesu waka zuminha kuti bakali bakwe. Pele Uyo oba swaana kuli boonse babo baakumana, Jesu uyo cita. Ta tukabi a lumamba limbi mpawo. Pele Leza ulazumizya Saatani kucita ceeci ku kululamikwa a ku lubeta.

¹⁷⁴ Lino, Ndi yanda ku mubuzya cintucimwi katutaninga buyo kutalika. Ndi yanda kuti mu ndiingule eci a kuziba. Ikuti na tamu syomi kuti Leza ngu... (Yebo wati)... eco inga tii cacita zintu ezi. Ku talikila buyo mpoonya kuzwa ku matalikilo... Lino, amu ndipe kuswiilila kwanu kutapambukene ikuti na mula konzya. Amuswiilile. Nkaambonzi Leza Mwini kakoma Mwana Wakwe Wini a ku Mu bikka aa ciengano? Leza wakajaya Mwana Wakwe Mwini aa ciengano. “Nekubabooobo caka botela Leza,” wakaamba Lugwalo, “ku Mu uma, a ku Mu cuzaula, a ku Mu zela.” Leza wakacita Mwana Wakwe Mwini nzila eyo yaku kufutula.

¹⁷⁵ Ndi yanda kubuzya kujatikizya Saulo, mwaami mupati wa Israyeli. Leza waka mwaambila kuunka kunselelo kuyo

bweza Mwaami Ogi a zintuzyonse nzya kajisi a kunyonyoona zintuzyonse kunselelo okuya, baalumi, banakazi, bana, a zintu zyoonse... Elyo Saulo... akwalo ng'ombe kuti zijaye, kuta lekela cintu kupona. Elyo Saulo wakaselemukila okuya a kuvuna ng'ombe zimwi. Elyo Leza waka gusya Muuya kuzwa kuli nguwe a kumu pambula kuzwa kuli Nguwe; wa kaba sinkondonyina a Leza.

¹⁷⁶ Nkaambonzi Eliya wakaima kuya cindi Leza nakapa Mwaami mudaala Ogi mu maanza aa Ahabu? Elyo wa kaambilia Ahabu kujaya mwaami oyo. Elyo Ahabu waakaka kucicita. Elyo Eliya musinsimi waka jisi sikugada ku... Kati, "Konduuma a cceba lyako." Wa kamvwisia kuti wakali musinsimi.

Wa kati, "Nse kocita." Elyo wa ka sweekelwa buumi bwakwe. Mpawo wa kaambilia umwi umbi, kati, "Kondi uma." Elyo mwaalumi waka muuma kubelesya cceba a ku mugonka. Elyo wa kali vungaila mwini mu kulisisa nkabela wa kaima awo. Elyo mpaawa Ahabu wakasika katantide aa nkalaki yakwe.

Wa kati, "Ino—ino wiiminina nzi awa?"

Wa kati, "Ee, Nda kali musi wa katumwa; Nda kapegwa makani aa mwaalumi. Elyo wa kandiuma a kuzwa," Wa kati, "elyo Nda kamulekela kuunka. Elyo ba kandaambila ikuti na Nda kacita, Nde elede kubbadela ku buumi bwangu."

Wa kati, "Ee, uyo elela kubbadela kubelesya buumi bwako."

Wa kalisambaila mwini a kuti, "MBUBOOBU MBWAAMBA I MWAMI, nkaambo toka mujayi oyo mwaami kumusanza okuya, uyo cibbadelela kubelesya bwako." Mbo mbubo? Mbo mbubo ncobeni.

¹⁷⁷ Andi mubalile cintucimwi awa. Ino kujatikizya Babuloni, cindi Joshua... cindi Leza nakatuma Joshua okuya kutala, elyo wa kanyonyoona bavwanda baniini, bana, a zintuzyonse zimbi. Elyo ikuti na walekela cintu comwe kupona... Wa kamwaya zintuzyonse. Bavwanda baniini ba Filisiti, wa kaba nyonyoona buyo. Leza waka mulailila. Elyo ikuti na taka cicita, bwakali buumi bwakwe mwini.

¹⁷⁸ Ndiyo cibamba mu maminiti masyoonto. Leza nduyandisyo, luyandisyo lulondokede; pele tozyi luyandisyo mbo lubede. Ako nkekaambo sunu bantu ncoba tazi kuti lusyomo ninzi. Leza nduyandisyo. We elede kuba mu luyandisyo; Ula lyeendelezya ku Ijwi Lyakwe. Elyo We elede kubamba Ijwi Lyakwe. We elede ku muyanda. Elyo ikuti na Ula muyanda, We elede ku mukwabilila.

¹⁷⁹ Amuswiilile awa. Amwaambaule zya kuwa kwa bana. Aniini buyo, andi mutondezye cintucimwi awa mu Magwalo, eco—eco Bbaibbele nco lyaamba kujatikizya zintu ezi awa. Atu sike awa a kuswiilila buyo kuli ceeci aniini buyo a kubona eco Leza nca kaamba. Lino, Ndila bala kuzwa kuli Ezekieli cipati 9, ikuti na muyanda ku cilemba. Amuswiilile kabotu:

Elyo... Wa koompolola akwalo mu matwi angu a jwi pati, a kwaamba, Kocitya abo balanga munzi kuswena munsi, ... muntu aumwi kajisi cilwanyo cabot cakunyonyoona mu janza lyakwe. (Lino, oyu ngu Leza kakanana.)

Elyo, amubone, bantu bali cisambomwe bakazwa mu nzila ya mulyangi mupati maningi, eyo ili ku nyika, a muntu onse a cilwanyo cakujaizya mu janza lyakwe; elyo muntu umwi akati kabo wakasamide masani aatuba, alimwi inkii wa mulembi ku lubazu lwakwe: elyo baka njila, a kwiima munsi i...kunze lya cipaililo ca mukuba.

Elyo bulemu bwa Leza wa Israyeli bwakali kutanta kuzwa kuli bakerubimu, oko kwalo nkwa kabede, kusika manjililo a ng'anda. Elyo wa kandiitila mebo... ku muntu waka samide masani aatuba, a i...kajisi i... inkii mu janza lyakwe—na lubazu;

Elyo aboobo... Elyo MWAMI... (Mupati M-W-A-M-I, uli ngu Leza)...i MWAMI wakati kuli nguwe, Koya kwiinda akati ka muunzi, kwiinda akati ka Jerusalema, ...kabikke caando aa nkumu ya muntu eyo utongela a...ku lilila...zisesemyo...zyi citwa akati kabo.

Elyo kuli bamwi ba... (I MWAMI)...kati mu kumvwa kwangu, Koya mutobele kwinda mu munzi, a kuumaa: a kutalekela liso lyako kuvuna, nanka kuba a luse: (Amulangilile, kampango ka 6.)

Kumaninina—Jaya kumaninina bapati...baniini... bsimbi bakubusi,...bana baniini,...banakazi:... (Leza wa kaamba booboo. Leza wa kaamba booboo!)... pele uta booli munsi lya muntu uuli oonse oyo uujisi caando; elyo wa katalika kuli i sinsiku...ku i busena busalala—a katalika ku muntu sinsiku...wakali kumbele lya ng'anda.

¹⁸⁰ Mu majwi amwi, Leza wakaambilabantu aba, “Lino, lindila; Ndiyo gwala bantu lutaanzi, abo bakasalazigwa ncobeni kuli Leza...” Elyo Wa kabikka caando ali mbabo. Wa kati, “Lino,” ku bantu aba bajisi cilwanyo cakajaya, “koya moonse alimwi utalekeli banakazi, bana, na cintu, pele jaya cakumaninina zintuzyonse.”

¹⁸¹ Mu inyika ya zambahulwe mu lunyonyooko, kakuli bali mamilioni taimuzi mamilioni a mabbilioni aabantu bakali atala lya nyika, elyo Leza wakatumwa mukambausi mudaala wabusalali wa zina lya Nowa, a kukambauka myaka ili mwaanda a makumi obilo, a ku baambilabakuboola mu bwaato, a boonse abo bata kaboola mu bwaato obo bayo nyonyoonwa... Elyo Leza Singuzuzyonse, oyo waka jisi bweendelezi bwa

majulu, wakausya muvula ya kanyonyoona kumaninina bali mamiloni abantu bakaindi, bantu bakubusyi, a bavwanda baniini, kusinwa akuloba mu meenda.

¹⁸² Leza Singuzuzyoonse, alimwi Ngu Leza uululeme wa luyando. Elyo obo mbwini. We elede kucita. Ula yanda Bakwe Beni. We elede ku lyeendelezya ku Ijwi Lyakwe. Aboobo kutali ku...ku cinzwango, pele kutazuminana a nduwe. Leza wanu wa luyando...

¹⁸³ Okuno kutali ciindi cilamfu cakainda Nda kali kwaambaula...Antela ndiza Kamboni wa Jehova. I mwaalumi wakasika a kuti, "Mukwesu Branham, sena undaambila kuti ula syoma kuteeti kuli gehena iipyaya?"

Nda kati, "Tacili ceeco Nce wamba, nceeco Bbaibbele nco lyambla."

Wa kati, "Sena undaambila kuti Taata Wakujulu siluyando inga waumpa bana Bakwe? Baa," kati, "inga toumpa mwana wako."

Nda kati, "Peepe, munene!"

"Ee mpawo, ikuti na yebo mbuli muntunsi ujisi luyandisyo olo lunji (mwabona, obo bantu mbo bakonzya ku nyonganya cintu coonse?), ikuti yebo mbuli muntunsi ujisi luyando olo lunji, yebo ueeyea kuti Taata Wakujulu Uyo nyonyoona bana Bakwe?"

¹⁸⁴ Nda kati, "Nee!" Ta nyonyooni bana Bakwe, pele uli mwana wani? Leza tanyooni bana Bakwe. Uli mukusola mbuli buboto Bwakwe kunjila. Pele ngu dyabulosi oyo waangululwa uyo nyonyoona bana bakwe. Aboobo Leza uzumizya buyo Saatani.

¹⁸⁵ Amulange. Nguni waka zumizya bubi kuseluka a Saatani kuunka kumasena a kunyonyoona mulanda wa Leza uulondokede maningi kusikila Jesu Kristo, bana bakwe a zintuzyonse nzya kajisi, Jobu? Elyo Leza wakatuma muuya mubi kubusena kuya a kunyonyoona boonse bana ba Jobu a zintuzyonse kusoleka buyo mulanda Wakwe. Sa mbo mbubo? Masimpe.

¹⁸⁶ Oh, Nda konzya kwiiama awa kwa oora a ku mutondezya buyo, Mukwesu wangu, Mucizi. Mbo mbubo, kufumbwa na inga waba. Uta bwezi oyu Muuya wa Leza kaunyongene. Lumamba ni imbeta zya Leza aa masi. Lunyonyooko lulatumwa aa Leza. I Bbaibbele lya kaamba boobo. Elyo Leza ngu Leza wa luyando, pele Leza ngu Leza wa bukali awalo. Alimwi tokaimi kumbela lya siluyando...Eco nce cintu cakanyonganya mbungano asunu.

¹⁸⁷ "Taata umwi waluyando, mubwini inga Ta ndibikkila maanu kucita eci." Ikuti na uyanda kucicita, inga akwalo wazumanana a kucicita, nkaambo luyandisyo lwa Leza taluli muli nduwe kuzwa kumatalikilo.

¹⁸⁸ Tu tandila kulya Mulalilo mu kaindi buyo kaniini, elyo Ndi yanda eci kuti cinjile maningi muli ndinywe. I cintu ca

ncico ngu, eco cili mu moyo wako ciyo leta, kubamba buumi bwako. Ino musyobo nzi wa lunyungu ndo bikka mu bulongo luyo zyala musyobo wazyo. Mbobuti mbo konzya kubweza i—i popukoni a kupanga i—i nsaku ya jimisoni kuzwa kuli njiyo? Inga tocicita buyo kwiinda mbo takonzyi kubweza museke wa mapopwe a kupanga nsoke. Inga to zikonzya, nkaambo zjisis bupange bwandeene, maumi andeene kumaninina. I... Inga—inga wabweza nseke zya jimisoni a nseke zya hanyisi, alimwi zila kozya kabotu loko kusikila mungu nguonya weelela kabotu inga takonzya kuzyandaanya. Mbo mbubo. I cintu buyo neco mweelede kucita nku syangila. Zyobilo zila kozyanya cabulenge, pele kozi syanga. Zyonse ziya kuzyala; alimwi imwi iyooba jimisoni alimwi imbi iyooba hanyisi. Obo mbombubo ncobeni.

¹⁸⁹ Kwaamba, “Baa, ncinzi cibamba *eyi* nseke, kuboneka buyo mbubonya mbuli *eyi*, kuleta musyobo wandeene wa buumi?” Nku kaambo kakuti musyobo oyo wa buumi uli muli ncico.

¹⁹⁰ Elyo mwaalumi na mwanakazi oyo uli taminina kuba Munakristo nkabela taponeni musyobo oyo wa buumi, kwiinda ku luzyalo lwa Leza, ni nsaku ya jimisoni. Kwiinda ku micelo yabo muyo baziba. Ikuti na cintu eco cili mu moyo wako, cipa bulunguluzi obo mbobede kubusena bumwi bumbi. Ikuti na mbubi, cipa bulunguluzi kuti uli kunselelo awa. Cindi wafwa, uyo elela kuunka buyo oko nkobede kale.

Ikuti na uli mubotu alimwi uli—uli kabotu nkaambo Leza waka kubamba kuba mubotu, elyo wa kazyalululwa, uli sinikizidwe kuunka nzila eyo, nkaambo obo Buumi bweelede kupa bulunguluzi antoomwe a busena obu. Ikuti na capa bulunguluzi awa, mpaawo mpo muunka. Ikuti na capa bulunguluzi kutala okuya, mpaawo mpo unka. Mwabona?

¹⁹¹ Cintu neco muli waano... Amu bikke ceecei mu mizeezo yanu eno. Ndiyo jala. Pele obo mbobede nceeci citondezyo cakuti uli cintucimwi cimbi kubusena bumwi. Lyoonse mwakali kuyanda kuba mu bulondosi, nywebo Banakristo. Mboobo bulondosi, alimwi obo bulondosi tabuli mu buumi obu. Pele mwaalumi a mwanakazi oonse okuno uli Munakristo, muntu aumwi uli Munakristo ano lino wakapegwa kale bulemu mu Busyu bwa Jesu Kristo. Elyo ujisi mubili umbi. To kabi aciindi cimbi, uli cijisi ndyoonya lino. Ndyoonya lino kuli mubili umbi uulindila nduwe ikuti na oyu umwi weelede kuloba. Sa inga mwayeeya eco. Amulange eco aniini buyo.

¹⁹² Sena mulizi kuti umwi aumwi wesu inga waba mu butamani zuba kalitana pasuka juunza cifumo? Lino, ikuti na toli Munakristo, mweenzuma wangu, kuli cintu comwe biyo cisyeede kuli nduwe. We elede kuunka nzila eyo. Ikuti na uli mu mugwagwa oyo, weelede kuunka mu mugwagwa oyo. Ikuti na uli museke wa mapopwe, uyo zyala mapopwe. Ikuti na uli nsoke, uyo leta buumi bwa nsoke. Lino, ikuti na wali kuzulilwa

ku mbungano kubusena bumwi eyo iitazi alimwi tai yiisyi, aku kulekela buyo kusika akuba membala wa mbungano... Yebo wati, "Ee, Mukwesu Branham, mbungano yangu yiisyi kuti tweelede kutambula Jesu Kristo mbuli Mufutuli wesu wacigaminina. Ikuti na twa syoma Mwami Jesu Kristo twa kafutulwa." Ikuti na buumi bwako ta bweendelani a ceeco, ton a cibamba.

¹⁹³ Sena mulizi kuti dyabulosi usyoma kuti Jesu Kristo Mwana wa Leza? Sena mulizi Jesu cantangalala, na, sa mulizi kuti dyabulosi waka lyaambilila antangalala Jesu kuba Mwana wa Leza? Elyo ta kafutulwa. Elyo ta kakonzya kufutulwa; ngu dyabulosi. Aboobo kulyaambilila Jesu kuba Mwana wa Leza...

¹⁹⁴ Sena mulizi boonse abo ba Farisi a ba Saduki, boonse bakali bantu balipede loko a bakombi; obo mbo bakali kuyanda Leza a myoyo yabo, ba kayeeya; a kukakilwa kubona Umwi oyo uutakwe kampenda, Mwana wa Leza, ku Mu ziba kuba Mwana wa Leza. Elyo nekubaboo, bakali bakombi maningi (sa mbo mbubo?), balipede cabukombi kapati, bakaiya kapati, bakaziba Bbaibbele kabotu kwinda umwi wa basicikolo besu bapati sunu. Tii baka jisi cintu cakucita pele baka kkala kuya kwiinda mu mazyalani abo a kubelekela Mwami.

¹⁹⁵ Lino, amulange eco Lugwalo nco lwaamba: "Ku mazuba aakumamanino..." Kuli ndinywe, beenzuma Banakristo, a luyandisyo lwa buleza, Bbaibbele lyakati, "Mu mazuba aa mamanino bantu...kuyo boola ciindi oko bantu nkoba yooba basimantumbwa, balisumpula, basikuyanda misaalo kwiinda basikuyanda ba Leza." Lino, sa obo mbwini?

¹⁹⁶ Ii muntu umwi mu buyake obu wakainka ku musaalo wa Mwaka Mupya busiku bumwi, a mu kaanda kansi bakali kunywa zyakunywa zitakoli azintu zyakuli botezya akuzumanana, zilalilo zya maisikkilimu, azimw zimbi. I mambungano akwalo alapa zizyano. Mbubonya buyo eco Leza nca kabaambila kuta cita, bala cita mu Zina lya Kristo. Elyo nceeci eco Jesu nca kaamba ku Mbungano kucita, nkabela bala cikaka. Jesu, ngaaya majwi Aakwe amamanino, luyando Lwakwe a cizuminano ku Mbungano: "Kamuya mu inyika yoonse; muka kambauke Makanimabotu ku zilenge zyoonse. Oyo usyoma a kubapatizingwa uyo futuka; oyo utasyomi uyo zulwa. (Ndiza obo kuciimo mweembeli wanu mbwa bala. Pele nceeci cimwi.) Ezi zitondezyo ziyo batobela abo basyoma; mu Zina Lyangu bayo tanda madaimona; bayo amba mu myaambo mipya; ikuti na ba kabweze inzoka na kunywa zintu zikola, ta ci kaba jayi pe; elyo ikuti na ba bikke maanza abo aa balwazi, bayo pona."

¹⁹⁷ Lino, nce ncico Jesu nca kabaambila kucita mu Zina Lyakwe. Bala kaka eco ciliko, pele bala unka a kucita ciimpene buyo kuli eco Nca kaamba, kuyiisyia kuti cakainda, kunyina cintu kuli

ncico, a kuyiisya lwiyo lwabukombi mucibaka. Oh, ta cigambyi tuli mu ciimo mo tubede.

¹⁹⁸ Amulangisye awa, andi kwaambile, mukwesu wangu. Cindi Mbungano yasika ku busena kusikila yaba, kuti cizo acimwi mukati myua kulaililwa maningi a Muuya Uusalala a nguzu, kusikila zitondezyo ziyo batobel.

¹⁹⁹ Ndi yeeya Musalali Paulo okuya mu kasuwa kumane bwaato. Leza waka mupa cilengaano. Cindi mazuba a masiku ali kkumi aone...Bulangizi boonse bwakali manide niba kasola kufutulwa. Bwato, bwakaindi kabutontaikwa mbuli *obo*, nkabela boonse bakali koompolola, kwa mazuba amasiku ali kkumi aone. Paulo wakali kunselelo okuya, kajisi cilengaano. Wa kayutuka; elyo wa kati, "Koba a camba cibotu, nkambo Angelo wa Leza, Oyo Ngweli muzike, wakaima munsi lyangu a kuti, 'Uta yoowi, nkambo weelede kuletwu kumbele lya Kaisara. Elyo amulange, Leza wakapa boonse abo ba keendela a nduwe.'"

²⁰⁰ Cindi bwaato nibwa kanyonyooka nkabela bakainka atala lya nkomwe, alimwi ba kainka okuya a basicisi, Paulo wakali kubwezelela tusamu, elyo wa kaunka a kuyo zibikka aa mulilo. Elyo mukati myua kwakali nzoka mpati, yaka mukwempa ku janza. Lino, eyo nzoka yaka njizya busaki obo mu janza lyakwe nibwa kamujaya mu kaindi kaniini. I basicisi bakati, "Amulangilile mulombwana oyo kawa calufu, nkambo uyo fwa mu kaindi buyo kaniini."

²⁰¹ Uli mu nketani ku kukambauka Makanimabotu. Bantu bakombi baka mubikka mu nketani. I mambungano mabotu loko obo buzuba aka mubikkide mu nketani. Ikuti na takali buyo Bweendelezi bwa United States, niba kacita cintu nciconya sunu. Mbo mbubo! Amulindile buyo mane ya—mane ya dunsuka aniini.

²⁰² Elyo nzoka yaka mujata ku janza. Lino amulangilile. Paulo taka yoowa. Wa kati, "Jesu Kristo wakati, 'Ikuti na bajata nzoka, taika bajayi.'" Aboobo uleenda awa, kumu zungaanya kuzwa ku mulilo; kuvuuluka a kweenda kuyo bwezelela tukuni akujosya aa mulilo; kulinyona mwini a kukasaazya sule lyakwe akunyona munzila eyi a kukasaazya maanza akwe. I basicisi bakati, "Nkaambonzi tafwi? Nkaambonzi muntu oyo nca tafwi? We elede kuloka kafwide." Pele Paulo wakazwide loko Muuya Uusalala (mwabona eco Nce pandulula?), bazwide loko Muuya Uusalala kusikila cijaya tii cakamujaya.

²⁰³ Oh, mukwesu, kondipa mbungano izwide Muuya Uusalala. Leza uyo cita mu mwaka omwe eco boonse basilwiyo lwa zyabukombi neco baakakilwa kucita mu myaka ili zyuulu zyobile. Amulindile mane bunanike bwa Mbungano bwauma ncobeni ku muunzi oyo musyaalizi muniini uusyomeka. Kwaakumana milyango ya Bamasi kujalwa, oh, Leza uyo nanika Mbungano mpawo. "Oyo usofweede, alekwe kacili musofwi.

Oyo uululeme alekwe kacili mululami, alimwi oyo uusalala alekwe kacili uusalala.” Elyo Leza uyo nanika Mbungano a Nguzu zya Leza, a zintu ziyo citika. Kutali buyo eco mpawo, pele Uli mukucicita eno.

²⁰⁴ Amulangilile zitondezyo a zigambyo; mpawo bantu bala langa koonse a kwaamba, “Ee, nca dyabulosi.” Oh, nkaambo tabazi Magwalo, neziba nguzu zya Leza. Elyo nke kaambo neca ba caamba.

²⁰⁵ Akube kuti Mwami amu longezye. Nda usa kumukkazika ciindi eci. Nse ciciti kanji eci, pele nse zwidilili andinywe maningi. Aboobo kwayanda Nse ingula mibuzyo eyi kweendelana ku miyeeyo yako a zintu. Eyo yali bobilo yaingulwa cifumo cino. Ikuti na Nse cita, Leza aku longezye. Elyo Nse—Nse kanzi ku—ku kunyonganya na cintucimwi. Nda keelede buyo kwaamba eco... Yebo wandibuzya mubuzyo. Nda cita ku buboto bwa luzibo lwangu ku bwinguzi. Mbo mbubo.

²⁰⁶ Lino, Nse zyi kunji kujatikizya zintu ndiza. Nse zyi cintu eco Nce elede kuziba. Pele cintu comwe eco Nce zyi, Jesu Kristo ulatu futula kuzwa ku cibi, ula tutantamuna kuzwa ku cibi, a kutupa nguzu Zyakwe a zileleko Zyakwe.

²⁰⁷ Elyo ikuti na muyo langisya buyo koonse a kulangilila eco cicitika mu bantu abo ba kombelwa... Amulange koonse ku masi a kulanga ku zitondezyo a zigambyo koonse. Elyo amulange ciindi kaciboola. Mbuli mitabi yobile njo twakali kukambauka kuno ciindi cimwi cakainda, kusika kuzwa ku Matalikilo, nzila mbo bapa bulungluzi bwabo konse. Obo sikutasyoma, silusinizyo loko a kupegwa bulemu mu bukombi bwakwe, pele kajisi ciwa ca bukombi, pele kukaka nguzu zya mbubo... Elyo Mbungano ili mukuzumanana kweenda.

²⁰⁸ Akube kuti Mwami Jesu aku longezye, umwi aumwi, ngo mupailo wangu. Alimwi akube kuti mukapone kapati cakuti mukabe a mikuli mipati, akube kuti Leza akabiike ali ndinywe nobantu, kuba amikuli loko ya bantu basweekede kusikila kamutano konzyi koona kabotu isikati na masiku. Akube kuti Leza ape eci Cikombelo ca Branham kuti coolwe cakuba akulemenwa maningi. Nse kwe ndaba ikuti na toongolola, ikuti na toka citi cintu cimbi, ikuti na mwaba amikuli loko ya bantu basweekede kusikila kamu takonzyi koona kabotu. Cindi wacita ceeco, inyika iyo sobeleta omuno ku kombelwa. Mbo mbubo. I inyika iyo njila ku kombelwa. Muyo zibwa koonse. Leza kotupa Muuya Wakwe: kotubamba kulibombya; ku tumwaya; a kutubamba kucajwa maningi ku nguzu zya Leza kuponya balwazi, ku tanda madaimona, kucita zitondezyo a zigambyo zipati; cindi mwa bikka maanza aanu aa balwazi a kulomba cilongezyo eco, kakutakwe kuvukauzya komwe mu moyo wanu, ula syoma kuti Leza uyo cicita. Amulangilile mulwazi oyo, uyo talika kuba kabotu. Nkaambonzi? I bubi

bwazwa kuli ncico. M bubonya mbuli musamu oyo wakaimvwi, Jesu wakalanga, nkabela kwakanyina mucelo aali nguwo. Wa kati, "Wa singanisigwa."

Nikwakainda maoora ali makumi obilo aone. Petro wakati, "Langa, matu ayuma kale." Cintucimwi cakacitika. Ijwi lya Leza lya kaambwa.

²⁰⁹ Jesu wakati, "Koba a lusyomo muli Leza. Nkambo ikuti na waamba ku dundu eli ko zyuka, a kuta cizumbauzya, liyo kuswiilila." Koba a lusyomo muli Leza.

Lino, nciindi ca Mulalilo. Kuciindi notu kotamika mitwe yesu Ndiyo lomba muntu umwi kuboola ku piano.

²¹⁰ Mwami, eli nde oora, ciindi eco ndiza baalumi a banakazi, Mwami, ku nyika yoонse uyo bona kuti oora pati lya lubeta lyaswena cindi Leza akubeteka masi oонse mu kwiima kwabo kwa tunzenyu. Masena oонse, masena oонse, alimwi bantu boonse beeledge kwiima imbeta zya Leza. Elyo Taata, tuli kkomene kapati kuziba kuti kuli kuloboka kwa bantu aba kuti...abo banga bayanda kuyokoka. Eco cilengwa nkwiinda muli Jesu Kristo, Uli ngu i—i Cisyukila ca Davida. Elyo twa Ku lumba, oyandwa Taata, ku kusola ku Mu tuma ku nyika, kuti Wa kali Sikwiimaakati oyo ngo tukonzya kuunkila; Inga wa tukombelezezya, a kugusya zibi zyesu, kuti inga tuyoloboka bukali a lunyonyooko lwa Leza. Tu lizi kuti bukali bweede kusika. Elyo kuti, mbuli Johane mbwa kaamba mu mazuba akainda, "Amutije kuzwa ku bukali obo buciza."

²¹¹ Lino, Mwami, twa lomba kuti mbuli mbo tulya Mulalilo sunumasiku kuti Uyo tusalazy, Mwami, a Bulowa Bwako busalazy; alimwi akube kuti zibi zyoонse zya bantu aba zijatilwe. Nda komba cabubombe a kukomba, Leza, kuti To kalekeli umwi wesu ku cibweza caku teeleta. Nkambo Wa kaamba mu Ijwi Lyako, ikuti na twa cita obo, tuli jisi kuzulwa ku Mibili a Bulowa bwa Mwami. Lino, Taata, bamba bantu aba kuti basalala a bakasalazigwa, kuti tu bweze eci kakutakwe kampenda.

²¹² Elyo lino, Taata, tula mvwisya kuti Mulalilo wakapegwa lutaanzi kumusanza mu Egepita. Elyo bantu abo bakalya Mulalilo, kabelele a cinkwa, mbuli mbo bakeenda kuzwa, myaka ili makumi one ba keenda mu nkanda; elyo kwakanyina kakompeme komwe akati kabo cindi niba kazwa mu nkanda. Ba kalya Mulalilo.

²¹³ Leza koba siluse. Nda komba kuti balwazi boonse bayo ponesegwa, boonse basweekede bayo futulwa. Elyo abo basitulengwa a basikancimwa, akube kuti beende kuya munsi ku mililo ya Leza, ku lwana myuuya yabo. Ko cipa, Mwami. Kotu jatila lino a kutu gwasya. Twa lomba mu Zina lya Mwana Wako.

²¹⁴ Elyo kuciindi notu kotamikide mitwe yesu, Nda libuzya (mbuli mukwesu mbwa tupa bulile buniini aa piyaano) ikuti na kuli muntu awa unga watambika janza lyakwe akuti, "Mukwesu Bill, Ndi—Ndi cakusinizya...ku ciimo ca buntu. Ndi—Ndi—Ndi yanda kutumbula Muuya Uusalala." Sa inga watambika janza lyako? Kwaamba, "Koyeeya." Leza aku longezye. Leza aku longezye, a yebo, a yebo, a yebo, a yebo. Leza aku longezye, a yebo. Leza aku longezye, omulindu, yebo, a yebo, yebo, Mukwesu. Ma, maanza koonse. Leza aku longezye, Mukwesu. Leza aku longezye. Leza aku longezye, Mucizi. Yebo, Mucizi, Nda bona janza lyako, kuti uyanda kutumbula Muuya Uusalala. Leza aku longezye, Mukwesu.

²¹⁵ Sena tamuyandi kweenda buyo munsi aniini. Amuyeeye beenzuma, tu ponena ku Kuboola kwa Mwami wesu. Lino, Leza ulimu kusimpikizya Majwi Aakwe, zitondezyo a zigambyo koonse.

²¹⁶ Lino, masimpe kuti Leza taka ndilekela kuunka a kunanikwa a Muuya Uusalala kucita zitondezyo a zigambyo, kujoka akukambauka Ijwi, abumwi bumbi nkabela inga calelekwa konse, a kucita zintu ezi, citakuti Wa ndipa muzeezo umwi wa Ijwi Lyakwe. Inga taapa eco. Aboobo Ndi lizyi eco nce Ndili mukwaambaula.

²¹⁷ Ikuti na tojisi Jesu Kristo, tojisi Muuya Uusalala, akube kuti Leza muta lekeli kuba a kulyookezya kumwi kusikila muka tambule Muuya Uusalala. Muta cengwi. Muta bwezi buyo umwi wa kulilekelela ku meso aabulenge a kwaamba kuti muli jisi Muuya Uusalala. To jani Muuya Uusalala cindi wasyoma. To syomi kutambula Muuya Uusalala. Ncipego ca Leza. Paulo wakati, "Sena mwaka tambula Muuya Uusalala kuzwa nimwa kasyoma?" Aboobo ko cisyoma. Elyo akube kuti Leza a Cipe kuli nduwe.

²¹⁸ Lino, Taata, kuli baabo batambika maanza abo, Nda komba kuti Uyo bapa Muntu wa Muuya Uusalala ndyoonya lino. Akube kuti Aboole mu maanza manji muli aya, ali kkumi na kkumi aosanwe ayo ainka mujulu. Nda komba kuti Uyo pa umwi aumwi wabo lubbizyo lwa Buntu Bwako. Akube kuti bazuzigwe loko a Muuya Uusalala, mane zitondezyo a zigambyo zika citika mu maumi abo, bayo bona misyobo yoonse ya zitondezyo. Mbuli Jesu mbwa kaamba, "Ezi zitondezyo ziyo batobelabo basyoma." Ko cipa, Taata. Twa lomba cabubombe mu Zina lya Mwana Wako, Jesu Kristo. Ameni. (Mukwesu Neville.) 

54-0103E Mibuzyo A Bwiinguzi #2
Branham Tabernacle
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubellesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobelwa mu ciyanza cakujokolosya, kusandululwa mu misyobo iimbi, na kubellesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org